



14523

III

Moa. St. Br.

P

Alexander

Crac.

Cracoviensis Collegii Scholarum Piarum Ordinis  
gratia, Europae votum, Regni et Res-  
publicae corona etc.

PANEG. et VITAE

Polon. Fol.

№ 570.



ORBIS GRATIA,  
EUROPÆ VOTUM, 959

REGNI & REIPUBLICÆ CORONA;

P V R P V R A T V S

Patriæ & Ecclesiæ PATER,

E M I N E N T I S S I M U S

CELSISSIMUS ET REVERENDISSIMUS

PRINCEPS AC DOMINUS.

D. JOANNES

ALEXANDER

A L I P E

1452/3 III

L I P S K I,

S. R. E. CARDINALIS,

EPISCOPUS Cracoviensis,

D U X S E V E R I Æ,

Post delatam Sibi ab Univerfali ECCLESIA,

*In Coronam Meritorum*

ROMANAM PURPURAM,

VOTO ET PLAVSU TOTIUS POLONIÆ,

*Culta & Æcumenicæ Congratulationis homagio*

CALASANTINÆ SCHOLARUM PIARUM

PROVINCIAE POLONÆ,

*Per Collegium Cracoviense, Panegyricè*

CELEBRATUS.

*Anno Univerfalis in Orbe Gratiæ M.DCC.XXX.VIII,*

CRACOVIAE TYPIS UNIVERSITATIS.

BIBLIOTHECA

UNIV. IAGEL.

CRACOVENSIS



96 In Gentilitium Insigne  
EMINENTISSIMI  
CARDINALIS.



AVSONIAS non jam jactent Capitolia FRONDES;  
LIPSCIA Romuleum RASTRA tulere Decus.  
Omnibus hoc Trabeis natum est illustre TROPHÆVM,  
Cum tulerit MITRAS, Summa TRIREGNA ferat.

EMINENTISSIME  
REVERENDISSIME 96  
PRINCEPS.



Rbis Gratiam, Tibi  
ponimus in Panegy-  
rim; nec aliam, nisi  
Te Ipsum. Quid-  
quid Honoris Tibi & Gloriæ  
contulit Orbis, Tibi debes,

A2

tanquam



962 tanquam ex naturæ dotibus,  
Domûs excellentia, Virtu-  
tum & Meritorum consum-  
matione, Principali Fortunæ  
ejusmodi Authori. Eminentia-  
as, Fastigia, Gratias Christia-  
næ Reipublicæ, quibus Orbis  
Majestates in Tuum concurre-  
runt Honorem, non in Nomi-  
nibus tantum JOANNIS  
& ALEXANDRI, quibus  
majus nullum colimus, sed in  
Eminentissimis dotum & Pro-  
bitatis Tuæ præfers Perfectio-  
nibus. Nondum dictus es  
CARDINALIS, Hono-  
rum illa Ipso VICE-DEO  
inferior Summitas; jam Par Re-  
gibus, & ad quamvis natus  
Purpuram, vel ex ipso Augu-

itali

itali Animi, adorari merebaris 963  
Cādidatus. Quocūq; hactenus  
scribi poteras dicique Titulo,  
(mereris autem semper scribi  
diciq; augustius, quàm scribi  
& dici possis;) inferior Merito-  
rum Tuorum erat sublimitate.  
Jam unius VAVELI etsi TER-  
NUM DIADEMA, Virtutum Tu-  
arum Coronandæ non suffici-  
ebat Majestati. Non sufficie-  
bat Mitratus INFULÆ Cra-  
coviensis, etsi adeò Excelsæ,  
ipforumque Coronatricis Re-  
gum, Honor. Debebat veni-  
re major ab Orbe Corona, ut  
Orbi parem regendo beando-  
que, & nullâ jam non præcel-  
lentem in Eminentissima Do-  
mo Gloriæ Cydari, Tuum re-

B

dimi-



964 dimiret Verticem. Post CASTELLANAS, PALATINASq; Curules, post EPISCOPALES, PRIMATIALESq; Dignitates, id est summa quæq; Honorum Decora in LIPSCIANO pos-  
fessa Nomine; post Tuas ipsi-  
us CANCELLARIAS Re-  
gni Ceras, LVCEORIENSES  
& BRESTENSES, præsentef-  
què CRACOVIANSES, id est  
Primas in Polonia INFU-  
LAS; post CORONATAM plus-  
quam DUCALI PONTIFICA  
Tua Dexterâ & dexteritate, Re-  
gni MAJESTATEM & FORTV-  
NAM; deniq; post occupata PRĪ-  
CIPUM Supremorum in Or-  
be Orthodoxo pectora, Æsti-  
mationem, & Laudes; una

jam

jam, etsi Princeps, etsi Tuis 965  
sublimata Decoribus Te non  
capiebat MITRA. Colebaris  
CRACOVIANSENSIS summo omni-  
um plausu ANTISTES, Ex-  
pectatio totius POLONIÆ eras,  
totius Votum Europæ. Ergo  
tantis incitatus Meritis, Orbis  
HONOR, justè ad Gētilitiū RA-  
STRUM Tuum tanquam ad  
Triūphale in Fastigiatis MON-  
TIBVS Dignitatū TROPHÆVM  
advolat; post collectos tot Lau-  
rearū Adorearūq; Manipulos,  
ampliores tā Nobili INSTRU-  
MENTO legendos in AUGU-  
STO Gloriæ offert Fructus, id  
est, Aurēā Messem post Aurea  
Merita. Adest cum eo, pri-  
dem Tibi debita, Gratiofo

B<sub>2</sub>

JOAN.



966 JOANNIS obstricta & devo-  
ta Nomini, EMINENTIALIS  
MAIESTATIS provoluta Cultui,  
inter Æcumenicos Applausus  
& Vota, Religiosa nostra PA-  
NEGYRIS. Nec aliud pro uni-  
versa laudum Congerie ad pu-  
blicæ, Congratulationem Fau-  
stitatis, Coronam Expectatio-  
nis, Te adorat Titulo, quàm  
Magno cononymā Nomini,  
Universalem Orbis GRATIAM.  
Sic ex Materia habebit gratiā,  
quam à forma non affert. Te  
nisi Ipso, PRINCIPVM Or-  
bîs affectibus, Tuisq; simulcul-  
to gratiis se Tibi adornat Ora-  
tio, ut ex propria incomptam  
arte, ex nostra indignam tenu-  
itate, Principe non dedigneris  
obitu.

967 obtutu. In Tua se Tibi præ-  
sentat PURPURA, ut Tuo  
digna appareat in conspe-  
ctu. Non despecendam se ab  
alto EMINENTIÆ, & sty-  
li & submissionis Religiosæ  
cōfidit humilitas, quæ eò ma-  
jori solatij sui corā Te, PRIN-  
CEPS, plaudit argumento,  
quòd LIPSCIANOS MON-  
TES, MONTIBUS ALBANIS,  
& Supremo illi CLEMEN-  
TIS FASTIGIO, sub Cujus ser-  
vatur umbra, approximari  
Honore, utinam & succedere  
videamus. Horum MONTI-  
VM dum nos profitemur Ato-  
mos, infra PONTIFICIO-  
RUM Tuorum calcaneum  
tamdiu hæremus conglome-

C

rati



9  
rati pedum, donec, quibus Ec-  
clesiam & Patriam bajulas ma-  
nibus, iisdē PROTECTOR  
sustentes & erigas substratam  
Tibi,

## EMINENTISSIMO TVO NOMINI

*Devotissimam*  
Cum Primo Diocesano Cracoviensi COLLEGIO  
Totā PROVINCIAM POLONAM  
SCHOLARUM PIARUM.



969

## PANEGYRICUS.

ROMANOS Fasces, Fortunatissima Regni  
Culmina, PURPUREOS inter fulgentia PATRES;  
Quo non surgit Honor Lechiæ nec Gloria major,  
Illud Grande Togæ Pretium, Decus illud HONORIS!  
Maxima Regnorum quo se collegit Honestas,  
Romuleusq; PATER Triplicia dat Seta CORONÆ  
Quo Superum, quo Gentis Amor, quo Gratia Summa  
Summa Potestatis, concentratiq; Favores,  
Unius in pretium veniunt Virtutis ab Orbe;  
Penna refer: jam prisca redit felicior Ætas!  
Aurea PURPUREO donantur Secula PATRE.

Majestas geminata Throno est! PAR REGIBUS Aræ  
Condecorat! Quæ jam Mitris, quæ gloria Gemmis?  
Purpureum se tollit Ebur! majorq; Senatus  
Audit, major Eques! Regni Respublica major.


Exultant Cydares, Castrensia, Civica Seta!  
Sanguine nè rubeat, rubet Alto MURICE Regnum.  
Nobilis Otentus Patriæ! Unum PURPURA texit  
Tanta VIRUM, at totam Gentem protexit inermem.

(2

Sic me.



919 Sic meritò rubuit, Patriæ qui Candidus Alma  
Semper erat. Superam, Supremorumq; Coronam  
Summa merebatur Virtus; & Candor in Omnes,  
Omnibus ad votum, quem PURPURA tanta  
revinxit. Ita est,

ORONANT iterum PO-  
LONIAM Superi, ubi post  
CORONATAM AUGUSTI  
III. Majestatem, PARI SERE-  
NISSIMIS Honore PRINCEPS Polonus  
coronaris, CARDINALIS EMINEN-  
TISSIME. Compensat in Te, ampliori  
auge, liberaliter in nos munificus Cælo-  
rum favor, quæcunq; Regno Lechiæ da-  
mna sinister intulerat eventus. Post par-  
tā inter bellici tonitrua Martis, GEM-  
MAM REGVM AUGUSTUM, quā u-  
nā, satis redimi calamitas videbatur publi-  
ca; altera ad thesaurum Fortunæ donaris  
GEMMA, id est, Senatūs & Statuum  
nobilis Unio, PURPURATORVM  
GEMMA PATRVM. Ut eò plenius  
componantur, si quæ supersunt Civilia  
Animorum odia, Amor PRINCIPUM,  
& GRA-

921 & GRATIA ORBIS JOANNES,  
expectato Cæli accedis beneficio. Gran-  
de Poloniæ Jubilæum, Honoris Tui tam  
augusti tam ingens Indulgentia! Divam  
Virtutem & Heroica Merita Tua, Fa-  
stis Ecclesiæ asserens SANCTISSIMVS,  
ubi publico Orbis Te exponit Cultui,  
totum Sarmatiæ Regnum absolvit ple-  
nariè, ab omni contra suam obice feli-  
citatem. Planè, Dignitatis Tuæ tanta,  
tamq; solennis in Ecclesia Universalis Ce-  
lebritas, non ipsius jam NOMINIS Tui  
per Orbem universum, sed singularis  
Regni Poloniæ Festivitas est. Non enim  
ita, Amplissimam hanc, CARDINA-  
LIS MAGNE, induis PURPURAM,  
ut in Tuis tantum hæreat humeris; ex-  
tendit se specialiter ad totius istius Di-  
gnitatem Reipublicæ; induit eam Te-  
cum Majestas, induit Senatus, induit  
universæ Polonæ Gentis Honos. Vix  
limina Tua ingressus, Sacro-Augustus  
MVREX; tota Lechiæ *Subière novi Palatia* Stat:  
*Falces.* REGI, altera propè Corona; Ci-  
vibus,  
D



972 vibus, Majestatibus par Eminētia; Stallis  
ac Curulibus omnibus Regni hujus uni-  
versale quoddam Decus, gloriæ Insigne  
*idem* immortalis: *PURPURE*q; *PATRES*,  
*Turmaq;* *Tribusq;* *Omnis Honor lucem Magno*  
*de CONSULE ducit.*

Quant Nobis Omnibus! quant, Uni-  
versæ *POLONIÆ*, Triumphu nata-  
lis, Tuicjusmodi Natalis Honoris! quan-  
torum materies opima gaudiorum!  
Respublica tota agitur in tripudia &  
plausus; & jam Augustæ Tuæ lætabun-  
da hinc inde accurrens gratulatur Di-  
gnitati, jam suæ ubiq; abacto post li-  
mites metu & luctu, securior applaudit  
Fortunæ; ad exortam Inaugurationis Tu-  
æ Auroram, amēiores certo omine  
sibi pollicens Soles, *SERENVM* in-  
choans, & expectans innube commu-  
nis prosperitatis. Dies Tu Ipse diu,  
*CARDINALIS OPTATISSIME*,  
non obtinebis quietos, Communis eos  
interturbabit, eripiet Tibi Congratula-  
tio. Nova continuo venient Vota, of-  
ferent

973 ferent se Comprecantium affectus, A-  
tria implebunt Quiritum Agmina, one-  
rabunt Curiam non domestica tantum  
hujus Regni, sed Extraneorum etiam  
Officia Principum; per Sanctuaria æ-  
quē ac Palatinas Ædes Te comitabun-  
tur, & ingenti quaquaversum satellitio  
sequentur Applausus: declamabunt per  
Rostra Tullii, attollent per Fastos En-  
comiastæ, simul Honorem Tibi Sum-  
mum ad perennem Lechici Nominis  
gratulantes gloriam, simul Te Hono-  
ri Tuo par decus, & non minorem tan-  
tæ Olympo Eminentiae adorantes Atlan-  
tem: *Scriberis, totiq; diu narraberis Orbi Aureus,* *Paneg.*  
*ad Lechicæ Decus immortale Coronæ.* Roma suis *LIPSC.*  
Capitolia majori nunquam adornavit *Sch. P.*  
Triumphatoribus Apparatu, ut Tibi pa-  
ratur Applaudentium Pompa, & jam  
sele palam exhibet Animorum: *Mille Tro-* *stat.*  
*phaea feres, tantum permitte triumphos.*

Quomodò verò universi, ad festivos  
tam Augustæ, & diu expectatæ, *IN-*  
*AVGVRATIONIS TVÆ* dies, non  
D<sub>2</sub> serene.



974 ferenemur in gaudia: non gestiamus tri-  
umphis: quomodo ad Ingressum Tuum  
in Trabeati ejusmodi Templum Ho-  
noris, tota non accurrat, solennissimis  
plausibus & votis Te non debeat cele-  
brare Polonia: quæ Tuis jam illustri-  
or Splendoribus, Æminentissimæ acces-  
su augustior Dignitatis, Solio tanto de  
suis erecta fatis, à pretioso PVRPVRÆ  
Tuæ vellere aureos sibi venire annos,  
aureos ordiri menses, ac nescia ferri  
tempora, & gaudet feliciter, & fre-  
mentibus licet adversis, præstolatur ex-  
periri. Non formidamus hostile Sa-  
gum, Te Togam Illustrem adeo indu-  
ente; velut misso è Cælis Ancili, & Scu-  
to adamante omni feliciore donatam se  
sentit Respublica, ubi oblatae Tibi à Su-  
premis Potestibus pretioso TRABEÆ  
tectam & protectam Munimento. For-  
tior Tu pro Patria Troja in Aurea e-  
jusmodi Cyclade Hector, quàm quivis  
suo in ferro Achilles. Aget in rubo-  
rem Fata boni publici, Augustus Tuus  
Murex,

MUREX; siccabit, si quæ supersunt in fa- 975  
cie Patriæ, lachrimas, & Frontis Tuæ  
& Dignitatis SERENITAS; nec jam  
solo Honore, dicæris, celebraberis ab  
Orbe nostro, Ecclesiæ, sed Fortunæ  
universalis, CARDINALIS. Multo-  
rum enim verò indignum illum sua Di-  
gnitate novimus genium, ideò tantum  
eminere Honoribus, ut emineant; ideò  
jubar aucupari Dignitatum, ut dicantur,  
scribantur Illustrissimi; ad evanidæ fa-  
stum & ostentationem gloriæ, hono-  
rarios occupant Fasces, effulgent Titu-  
lis: quasi ideò illustrissimus Astrorum  
Princeps supra Zodiaci ascendat emi-  
nentiam, ut suæ tantum majestati illu-  
strem accendat pompam, & non po-  
tius ut in tanti auge splendoris, universo  
amænam radiorum communicet lu-  
cem, spargat diem meliore coma.  
Vidimus plerosq; postquam assurrexe-  
runt ad sublime, parum curare, an cum  
eis assurgat simul bonum commune,  
an prostratum gemat; modò ipsi in alto  
E sede-



976 sedeant, etsi ruant omnia: non publi-  
ci boni, sed sui promotionem curan-  
tes; illustribus intra suos lares ardent  
Titulis, frigent amore erga publica.  
Procul vel minima opinionis hujusce um-  
bra à Tui luce augusta Splendoris, CAR-  
DINALIS AVSPICATISSIME, qui ut  
semper per omnes Amplissimarum Di-  
gnitatum Gradus, Mystes & Victima Sa-  
lutis publicæ ad Aram Honoris extitisti,  
non Tuo, sed communi omnium bo-  
no Sacrificans & Temet immolans; ita  
præsentis Decus aureum & præstantis-  
simum PURPURE, non tã ad Nominis  
Tui semper augusti, semper decore o-  
mni & gloria divitis ac eminentis, quàm  
ad thesaurum & pretium augendum  
Communis Regni sumis Fortunæ. Insi-  
gniris Titulo Honoreq; EMINENTIS-  
SIMI Ille, qui per Summos Meritorum,  
Officiorum, Honorum in Regno Sar-  
matix & Ecclesia Apices, velut unus o-  
ptimarum Apex Mentium, zelo, pru-  
dentia, consilio, dexteritate agendi ma-  
ximè

ximè eminuisti. Inscriberis PURPURA-  
TORUM Albo PATRUM, qui semper  
Reipublicæ Candidus, auro lauroq; no-  
tanda pro ea egisti: *Ductus per omnes Digni-  
tatum Characteres, meritisque plures, quàm gerens.* <sup>Tarquius  
Gallus</sup>  
Regibus, id est, Lechicis Alexandris  
fidelis & omni comparatione major E-  
phæstio, Senatui verior divinitate senti-  
endi Confus, Legibus & Libertati in-  
fracto pectore & ore, quo solo Imperium  
meruisti, Gente sua dignus Patritius; Re-  
ligioni promovendæ Pompilius Sancti-  
or, Patriæ quam è mediis extulisti flam-  
mis, diviniior Æneas! inter turbines Pa-  
cificator Agrippa, inter fluctus animo-  
rum Numen procellis imperans, Dies  
Tui omnes, quos hactenus Patriæ do-  
nasti & Ecclesiæ, Sole illustres & ple-  
ni, æstu curarum maximarum sæcula  
meriti & æternitatem, evidenti nobis  
documento sunt, quanto cum emo-  
lumento, æstimatione, gloria ac honore  
istius Regni, Religionis zelo & manu-  
tenentia, MINISTER SENATOR, ANTI-

E2

STES



978 *STES*, id est Polon, **HONORIVS**, omne  
Honoris Officij; decus possedisti. Qui-  
dni igitur in præsentì **DIGNITATE**,  
quæque optima, Lechiæ, imò Or-  
bi, cui effulges, de Te augurari lice-  
at: quidni formemus omina, Te & com-  
muni omnium digna bono? Gratula-  
mur jure optimo, summa virtutis Tuæ  
Existimatione **REGNO** Fortunam sum-  
mam; gratulamur tam sublimis Speculæ  
**DIGNITATIS** Argum Centoculum,  
qui de ea melius, quàm Manlius olim  
de Capitolio, pericula terrarum prospi-  
ciat avertatq;, gratulamur Aquilæ Po-  
lonæ Solem, Serenissimis Parem Plane-  
tis, qui nubila dissolvat Terris, sæcula  
formet meliore metallo; Sacri Senatûs  
**CARDINALITIJ** Cælo gratula-  
mur Sidus novum, **EPISCOPALIBVS**,  
**DUCALIBVS**, Illustrissimis Familiæ opti-  
mè meritæ, & suarum Virtutum Augu-  
stum Splendoribus, dignum tanto Fir-  
mamento, dignum vel in Supremo Ec-  
clesiæ præfulgere Olympo. In summa  
ut dica.

979  
ut dicamus omnia, gratulamur Orbi,  
**ORBIS GRATIAM**. Hoc uno Totum  
Te Titulo, dicimus, scribimus, Orbi &  
Sæculis legendum proponimus, **CAR-**  
**DINALIS EMINENTISSIME**; quia  
omnes Orbis lucratus es, omnes in Te  
Virtus, Natura, & Fortuna collegit Gra-  
tias, & unam adeò efformavit Insignem,  
ut Orbi sit par beando. Permite, di-  
stinctim Gratias ejusmodi singulas, Tuæ  
& nostræ in Te Fontes Coronemus  
Fortunæ. Prima & Maxima, Caputq;  
cæterarum, Orbem in Te implens, lau-  
des & paginam obruit, primo omnium  
celebranda Elogio,

**G R A T I A**  
**CLEMENTIS XII.**  
**Optimi Maximi**  
**PONTIFICIS.**

*Maximum Elogij Genus.*

*Mereri laudari, nec posse.*

*Suprema Merita eminent supra Laudes.*

**F**

**Dise.**



Disertius memorantur silentio,  
Seipsis plusquam Vocalia.  
*Facibus Sol non illustratur, nec guttis grandescit Mare.*

E L O G I A

CLEMENTIS XII.

Admiratores habet, non Orato-

*Imo, (res.*

Quibus nec Orbis par theatrum,

*etiam Admiratio non sufficit Universi.*

Hic PONTIFEX,

*Inter Summos,*

Major Maximis, melior Optimo-

*Inter Sanctissimos, (rum.*

Religione, Gestis, Oraculis,

In Gubernatione Ecclesiae,

*Quo non Sanctior Alter, nec diviniior.*

Speciali DEI Titulo

Dictus

C L E M E N S.

Quem

tam Clementia, quam Justitia

*aquat Divis. \**

*Clementissimus miseris,*

*Iustissimus Meritis.*

In Vtro-

\* Sola  
aquat  
Clemen  
tia diviis.  
Cland:

In Vtroque

S A N C T I S S I M U S,

& verus in terris

V I C E - D E U S.

Nempe:

*Pietate & Justitia. PRINCIPES Dij sunt. Aristos:*

A Divinis tamen abstinens Nominibus,

*In Vice-Divina Authoritate, & Divinissimis suis dotibus,*

*Usitato. PONTIFICUM Vocabulo*

Audit

C L E M E N S.

Numero, & Perfectione Apostolica

D U O D E C I M U S;

Sanctitate & Gloria,

Numeris omnibus absolutus.

N A V I G A N T I E C C L E S I A E

In summa Orbis totius Tempestate,

& T Y P H I S & C Y N O S V R A:

Plus Dico,

alter propè

Visibilis quo servamur DEUS,

*Fluctibus & tempestatibus imperans,*

*componens ad malaciam.*

*Vt ab una P E T R I Navi*

Totius Orthodoxi Orbis salvaret.

Fortunam,

nullum non subiit laborem;

F.

Turba-



*Turbatamq; ratem; certaq; levavit*  
**NAVFRAGIUM COMMUNE Mann.**  
*Vt Ferri bellici vim emolliret,*

**Auream aperuit Portam.**

*Quâ*

*cum alios favores & Gratias Pacatrices*  
*expediret in Orbem,*

*tum Maximam POLONIÆ misit*

**G R A T I A M**

*In*

**JOANNE CARDINALE**  
**L I P S K I,**

*Orbi pacando parem beandoque.*

*Durâ ferri ætate*

**Aureus Pater aurei sæculi!**

*Imò totus*

*Nō jam Vaticanæ & LIPSIANORUM Mōti-*

*Sed omnium Mentium (um*

**Aurum Optimum!**

*Vt*

*exhaustam calamitatibus ditaret*

**S A R M A T I A M,**

**Seipsum ei acclinavit**

*in proxima Summæ SEDI*

**E M I N E N T I A.**

**Flos Florentiæ,**

*Eccle.*

SANCTIS-  
 SIMUS  
 Orus in  
 FLORENTIA,  
 cujus Stemm.  
 POMERANUS.

Ecclesiæ, & omnium benè meritorum

**Fructus Aureus!**

*æquè satiat vota universorum,*

**ac virtutes & merita**

**Coronat.**

*Verè jam apparet,*

*Excelsæ Honoribus suaq; Majestate*

**CORSINORVM Domus,**

**C O L U M N A E X C E L S A!**

*Non Ecclesiam tantum Universalem,*

*prementibus adversis,*

**Erigit,**

*Etiam particulares benè merentium*

**Virtutes**

**Exaltat ad Coronam.**

**E**T hæc Nos SANCTISSIMO, nun-  
 quam satis laudando, CARDINA-  
 LISMAXIME. Debuit coronari vel exili  
 hoc Elogij folio, Tantus nostræ in Te  
 felicitatis Fons, seipso satis coronatus,  
 Tuorum supremus Meritorum, Publi-  
 cæq; Coronator Expectationis. Si cui,  
 certè, Sarmatico Regno, duodenario  
 G major

Prophetia  
 S. MALA  
 CHIÆ.



984 major numero CLFMENTS in Te eff  
factus, Tibi verò IUSTVS PRÆMI-  
ATOR, hic PRINCEPS! eò Gratia  
erga Nomen Polonum, Iustitiæ erga  
Tua merita, in Honoris Tui elargitione  
procedens; ut de Apostolicæ & Vice-  
Divinæ Potestatis plenitudine, nec do-  
nare nobis potuerit amplius, nec Tibi  
minus debuerit. Amavit Sanctitatem  
Tuam SANCTISSIMVS, & ideò non  
uni Diæcesi ac Regno, sed toti eam ef-  
fulgere voluit Ecclesiæ. Erexit de Pa-  
tritijs Tuis MONTIBUS dignam Oibis  
Oculo, dignam Fastigijs Supremis in Te  
Virtutem! Apothéosim meritum Pectus,  
ardenti pro Cælo & Religione plenum  
zelo, publico Ecclesiæ donavit jubare  
splendoreq;: *Sanctissimas enim Fidei cogitationes,  
nunquam non publicas, nunquam non decuit esse coronatas.*  
Et verò Eloquentissimo Regni MER-  
CURIO hic competebat GALERUS. Hac  
GALEA & LAUREA cingimur debuisti DUX  
OPTIME, à Supremo Militantis Eccle-  
siæ IMPERATORE, post decumatos,  
heroicorum pro DEO Exercituum, La-  
borum.

985 borum Triumphos. Plusquàm Xerxis  
Classem, millenis Virtutis Onerariam  
implevisti Meritis, ut per Honoris Al-  
tum ad beatas evchereris Insulas, pro Cy-  
nosura supremum Cæli Orthodoxi jurè  
Tibi præluxit SIDVS. Meritò effusus in  
gratias Dignissimo Nomini Tuo COR-  
SINVS SANCTISSIMVS, Cujus COR &  
Piscatorij GEMMA Æstimatissima AN-  
NULI extitisti. Creavit Te CARDINA-  
LEM, sed non ex nihilo Meritorum; imò  
GRATIAM hanc de Tui Nobilissima Animi  
eduxit potentia, tanquam de condigno  
ejus subjecto. Verùm post Supremi Gra-  
tiam CAPITIS, jurè jam adoraris.

GRATIA  
ECCLESIAE  
UNIVERSALIS  
Sacro  
CARDINALIUM  
Collegio  
PROMOTA  
Ga Specta



Specta & plaude devota Divis  
**CHRISTIANITAS!**  
 Novum Sacrorum INDIGETEM  
 Inter beatificos **PURPURATI HONORIS** ra-  
 In **ECCLESIA** (dios

Adoramus.

*Solennem hanc meruit*  
 Tantæ Apothècosim Gloriæ,  
 Meruit Universalem Orbis Cultum,  
 Sanctis pro DEO & Ecclesia perfunctum  
 Laboribus,

**DIVUM MAGNI**  
**CARDINALIS**  
**NOMEN.**

Salutate

**PURPURATI PATRES**

Ad AUGUSTALE SENATUS Vestri

Parem Solio omni

**HOSPITEM!**

Nulla in Polono Orbe non eminet Curuli,  
 Nullum non ornavit, aut non meruit

Fastigium.

**SUPREMÆ CAPITÆ EMINENTIÆ!**

**FRONS** Lechici Senatûs,

Et **CAPVT INFULIS** ac **MITRIS**

Vel ante Titulos

**EMINENTISSIMUM**

Vobis

Vobis adjungitur.

Videte Vestræ pretium **CORONÆ!**  
**GEMMÆ DVCVM & PRÆSVLVM,**

Imò

**GEMMÆ REGNORVM**

Ex Orbe Vobis inferuntur.

Quantus Splendor Ecclesiæ!  
 Quam tot præstantes Sapientia & Dignitate.  
**Soles irradiant.**

Merito jam quisq; agnoscat,

**Tanti Jubar Senatûs**  
 Coronatis præstare **SERENITATIBVS;**  
 Tantorum **QVIRITVM** Togam,  
 Purpuris & Paludamentis Orbis  
 Graviorem esse,

Ad quam ferendam

Nonnisi **ATLANTES** Magni,  
 & *Fortiora Ecclesiæ* **BRACHIA**

Eliguntur.

Vide

**CARDINALIS**  
**EMINENTISSIME,**

Quantus Quibusvè

Accedas!

Tam Tua in Illis, quàm Illorum in Te  
**SVMMITAS**

Adoratur.

H

Hi



Hi sunt Ecclesiæ  
**P R I N C I P E S,**  
 Quibus MONARCHARVM flectuntur  
 Majestates.

Hi ad *PETRI* Cathedram

*Perfectissimi*

**Fidei MAGISTRI,**

quibus Christiana **V N I V E R S I T A S**

*Eruditur.*

Sine his **O C V L I S**

*Cæca est Fides;*

Sine tantis **S I D E R I B V S,**

*Firmamentum Ecclesiæ non rutilat;*

Sine hujusmodi **I N T E L L I G E N T I I S,**

*Cælestes Religionis Orthodoxæ Orbes non moventur.*

*illis non Minor adjungere*

**Supremi Arcopagi N U M I N I B U S,**

*Quæ*

quod loquuntur, *Oraculum;*

quod agunt, *Miraculum;*

quod scribunt, *Evangelium.*

**E**T id nos Elogium **E M I N E N T I S -**  
**ESIMO** è Tua Panegyri promimus  
**COLLEGIO, CARDINALIS MAXIME.**  
 Laudamus **SENATVM,** cui nullus ali-  
 ut par

us par in Orbe, ut quantæ Tua in cō-  
**PURPURA** sit prærogativæ, quāta Tui  
 Majestas **NOMINIS,** vel ex eo intelli-  
 gatur. Unus è Tantis adoraris **MAXI-**  
**MATIBVS,** Illi Omnes ut noscun-  
 tur in Te, ita scribi laudariq; merentur.  
 Æquè namq; Illorum Laudes, Tuæ sunt;  
 ac Panegyris Tua, Illorum commenda-  
 tio & Encomium. Accessisti Tantis  
**SIDVS SIDERIBVS,** & totam Eorum  
 lucem, magnitudinem, elevationem supra  
 Orbem, communem Tibi fecisti, ean-  
 demq; cum Tua. Et hoc est, ob quod  
 Te sympatica quadam pertraxerunt vi &  
 affectu, ut in hoc effulgeres cum Eis O-  
 lympo: nempe Virtutis Emeritæ, Cælo  
 & omni Gloriæ, dignæ Fastigio, assym-  
 bola in Te qualitas & magnitudo. Per-  
 spexerunt hi Ecclesiæ **O C V L I** Tuam à  
 longè Probitatem, viderunt, quanta Te  
 Liberales Superi dotum maximarum su-  
 pra cæteros extulerunt præstantiâ, quan-  
 tis Tu Ipsemet Te cumulaveris Vitutum  
 decoribus, quod quantumvè agendi pro  
 Cælo maxima, evaseras Exemplum! &

Ha

nullâ



99<sup>o</sup> nullā jam dissimulari poteras ratione,  
quin unanimi voto toti declarareris Or-  
bi, quantus Virtute & Merito ante Ti-  
tulos eras, nempe EMINENTISSIMVS.  
Probarūt *LIDII* ejusmodi ad *PETRAM*  
*LAPIDES*, & approbarunt Tuarum au-  
rum optimum qualitatum! judicarunt  
convenientissimē, dignissimē super *CAN-*  
*DELABRVM ECCLESIAE* Te ponen-  
dum, qui & Ceris & Virtutibus benē  
jam toti effulseras Orbi. Non nominan-  
do distinctim Singulorum singulares in  
Te affectū, EMINENTISSIMVS CAR-  
DINALIS *ALBANI*, Regni *POLONIAE*  
*PROTECTOR*, silentio praeferri non  
potest, dignus quem Fasti loquantur &  
Sæcula. Quo pectore totam degestat  
*POLONIA*, amoreq; in *SCHOLAS PIAS*  
propēdet Maxim, Hic Fortunæ nostræ Ba-  
jul; eodē in Eminentissimā Tuam *PRIN-*  
*CEPS* Dignissime Virtutem, ac publi-  
cam *REGNI* effusus est expectationem  
coronandam. Debes Illi summum de Te,  
Tuoq; par Merito & Dignitati in *CA-*  
*PITE* Orbis Judicium; debet *POLONIA*  
Fortunam

Fortunam suam, & maximam in Te 99<sup>o</sup>  
Gratiam. Montes Annibali impedimen-  
to olim fuisse traduntur ad Romanæ Tri-  
umphum gloriæ capeffendum; Tibi ad  
Vaticani Capitolium Honoris, nostro-  
rumq; Triumphum & Coronam Voto-  
rum, suffragium nobile *ALBANI MON-*  
*TES* evaserunt. Dum *CARDINALITI-*  
*IS* ita immoramur favoribus gratijsq;  
subit oculos, pennam rapit in amplius  
Meritorum Tuorum Elogium, Universi

*G R A T I A*  
& *VOTUM* Sac: Romani  
*I M P E R I J*,  
*L I P S C I J S*  
Semper Addicti.

*Huc Aquile Ingeniorum!*  
Ad illustrandas ampliori in Orbe jubare,  
*E M E R I T I S S I M I*  
*C A R D I N A L I S*  
Laudes,  
*Post SIDERA Ecclesiae, SOLES Imperij*  
in Panegyrum veniunt,  
I Magni



Magni ROMANORUM  
IMPERATORES,  
Honori & Nomini LIPSCIANO

*Inocciduum Gloriz Diem accendentes.  
Pulchrum est, amari à Magnis, laudari à Maximis;  
apud Optimos bene mereri.  
Ephesioni stat pro Elogio Alexander.*

LIPSCIJS,

Si sua Virtutum, Meritorū, Splendorum,  
Quibus Orbem impleverunt,

*deessent Elogia,*

*Sufficeret ad Panegyrim,*  
PRINCIPVM, REGVM, CÆSARVM,  
Amores, Privilegia, Gratias

*Meruisse.*

Sacro IMPERIO Romano

*quid Augustius?*

*Majores Romanis nusquam legi.*  
IMPERATORIB9 OCCIDENTALIB9,  
Monarchas Orbis non habet Illustriores.

*Maximi sunt In Sc,*

*Sed non Minores*

In LIPSCIJS.

*Taceo, si taceri possunt,*  
MAXIMILIANOS, FRIDERICOS,  
FERDINANDOS TERTIOS,  
LEOPOLDOS, AVGV.

AVGVSTISSIMÆ AVSTRIACÆ DOMVS,  
& totius IMPERII  
Decora Immortalia.

*Quorum Tesserariæ,  
Laudibus, Privilegijs, Honoribus*  
LIPSCIANUM Nomen

*Cantantes sublimè ferunt ad sidera,  
ALAUDÆ.*

Laudum Synopsis,

*& ut*

*(nis,*

IMPERATORū Prodigium ac prope Coro-  
CAROLUS VI.

*Ita*

Tui Nominis ac Meritorum  
CARDINALIS MAXIME,

*Ingens Corona.*

*Hic est Ille*

SOL Imperii, imò Europæ!

*in quo cūm*

*Omnia illustriora Cælo, Orbe majora:  
tum illustrissimum & maximum,*

Religio

Sacris & Sanctis honoratā,  
*Defensa à barbaris.*

Imò Sole jam Major!



Romana ECCLESIA,  
Sidera, Iubar, Splendorem;  
Luna Othomanica,  
nunquam lucem, sæpe ecclipsim;  
OCCIDENS perpetuum Meridiem,  
ORIENS frequentem Occasum,  
Iuustrato naturæ accipit prodigio.

*Ne mirare jam Orbis*

CAROLUS MAGNOS!

Admirationem superavit

Hic

CAROLUS,

Nomine

SEXTUS,

Rerum magnitudine

QUINTO Altior.

PRINCEPS,

Cui Alius

*Virgil: Nec pietate fuit, nec bello major & armis.*

Tam Populorū felix, quam Polorū Sanctus

Expugnator.

Cum tamen

& ætatum Exemplā, & barbarorum vires,  
& Elogia sæculorum

*Vicerit.*

Tam Armis, quam Aris Triumphans;

Adhuc totus Mili-

Militātis Ecclesiæ Honori & Promotioni

*Militat.*

Vbi inter tot Magnos Emeritosq; VIROS,  
EPISCOPALIB9, PRIMATIALIB9, CARDINALITIJS,  
Suo in Imperio ornatos Dignitatibus,

TE,

CARDINALIS

EMERITISSIME,

*Ad CAPITOLINI Triumphum deducit*

HONORIS.

Tantus es, PRINCIPVM EMI-  
NENTISSIME, ut ad Panegyrim  
Tuam etiam IMPERATORVM  
Laudes pertineant, Tuiquē Pompam  
comitentur Honoris. Adeo enim Eme-  
riti in Orbe, adeo Æstimatione & Gloria  
Magni estis LIPSCIJ, ut etiam CÆSA-  
RES & PRINCIPES Orbis Vobis fece-  
ritis obligatos; nunquam sufficienter lau-  
dandi, nisi Supremæ insuper in Vobis  
laudentur MAIESTATES. Merita Ve-  
stra dum hebetant calamum in sui Pane-  
gyri, acuunt in MONARCHARVM Elo-  
gia, Vestri Æstimatorum Nominis, & vel  
Præconum Ingentium Gloriæ, vel Vir-  
tutis

K



LIPSCII  
RASTEL-  
LINI &  
Ladg. i. i.  
Solis Scē  
matibus  
diverſis  
in IMPE-  
RIO ab  
antiquo  
Clari &  
Meriti  
Okolſki  
tom. 1.  
& 2.

tutis Coronatorum. Non coarctatur u-  
nius Regni limitibus, Famæ & Nominis  
Vestri amplitudo; implet majora Impe-  
ria! novit Polonia LIPSCIOS, novit IM-  
PERIVM, novit Europeus Orbis! Ubiq;  
estis Meriti, ubiq; Honorati. Aliis Pro-  
vincia una, unum Regnum sufficit ad  
Campum merendi; VOBIS Regna, Im-  
peria, Orbis: Meritorum Theatrum,  
Fortunæ Domus, Honorum Promptu-  
arium. Sæcula transierunt, ex quo si-  
mul in POLONIA Meritis, Honoribus,  
Gloriâ, Stirpe Vestra augustâ inter Prin-  
cipes floretis Familias, simul in IMPE-  
RIO pretiamini. *Annis* ab hinc *plus*  
*quam* Trecentis, ANDREAS de Lipe  
LIPSKI, Aulæ Primicerius ERNESTI  
*Archi-Ducis Austriæ*, suæq; Conſor-  
tis CYMBARCÆ, FRIDERICI TER-  
TII, & omnium Austriacorum Primæ  
Matris CÆSARVM, obsequia AVGV-  
STISSIMIS PRICIPIBVS impendit &  
vitam: vivit tamen semper in eis grata  
Vestri memoria Nominis, appretiantur  
atlimatissimæ Sangvinis, Sudorumq; Ve-  
strorum

997  
20  
strorum Gemmæ, Honores accumulan-  
tur Honoribus, Virtutes & Merita co-  
ronantur. Taceant Oratores, loquen-  
Vos IMPERATORES, Virtutis & No-  
minis Vestri meliores Elogiastræ. Lo-  
quetur FERDINANDUS III. quod  
olim suo in Privilegio ad JOANNEM  
LIPSKI EPISCOPUM Culmensensem, LEGA-  
TUM ad se VLADISLAI IV. postea ARCHI-  
EPISCOPUM Gnelnensem & PRIMATEM  
Regni, Merita LIPSCIORUM Impe-  
riali attoellens Oraculo, est locutus:  
*Cum Tu IONNESLIPSKI de Lipe*  
*fratresq; Tui, clarâ & pervetustâ FA-*  
*MILIA, publicis privatisq; splendo-*  
*ribus conspicuâ oriundi sitis, unde cō-*  
*plures VIRI PRÆSTANTES*  
*prodierunt, qui utilem ac fidelem tam*  
*Inclytæ REIPUBLICÆ POLO-*  
*NÆ, quàm ORBI CHRISTIA-*  
*ANO, tum imprimis quoq; Præde-*  
*cessoribus Nostris Romanorum IM-*  
*PERATORIBVS, ipsiq; Sacro Ro-*  
*mano Imperio, & AVGVSTÆ DO-*  
*MVINOstræ AVSTRIACÆ operam*  
K<sub>2</sub> navarunt.



998 *navarunt. Quos inter ut plurimos  
alios taceamus, IAROSLAUS de Li-  
pe Atavus Tuus, Thesaurarius supre-  
mus Zemoviti Ducis Mazoviae, &c;  
Tuq; deinceps IOANNES de Lipe  
apud Serenissimam CONSTANTIAM  
Reginam POLONIÆ Amitam no-  
stram, complures Annos CANCEL-  
LARIi munus ita gessisti, ut in Tua  
fide omnia Regiæ Domus negotia de-  
posuerit. Quod clarius pulchrius-  
q; Elogiū: Ipsi MONARCHÆ, si ob-  
mutescant Panegyristarum lingvæ, hæ-  
reant, ut hærere coguntur admiratione  
defixi calami, LIPSCIANAM Virtutem  
& Merita panegyризant, deprædicant,  
summisq; attollunt laudibus; quorum  
præconia, millenis fanè Oratorum ma-  
jora Encomiis, titulis laudum omnibus  
pretiosiora. Nec solū Laudes meru-  
istis IMPERATORVM, Honorum eti-  
am & Dignitatum meruistis prærogati-  
vas, Privilegia obtinuistis. Prodeat ite-  
rum memoratus CÆSAR FERDI-  
NANDUS, post laudata Oraculo suo  
LIPSCI-*

999  
LIPSCIORUM Decorā, Honorem  
COMITATVS Sacri Romani Imperii  
PRINCIPIBUS proximum, Inclytissimæ  
huic Domui perpetuis tribuens tempo-  
ribus, ad præfatum JOANNEM EPI-  
SCOPUM protunc Culmensem, in Privile-  
gio suo Cæsareo ita locutus: *Quamo-  
brem Te IOANNES LIPSKI de  
Lipe, Fratresq; Tuos, nec non omnes  
eorundem filios, posteros, descenden-  
tes, & æterna serie nascituros, in per-  
petuum S. R. I. COMITES crea-  
mus, facimus, erigimus, & attollimus,  
ita ut Tu, dictiq; Fratres Tui, eorumq;  
liberi & descendentes, se ex nunc &  
perpetuis temporibus S. R. I. COMI-  
TES scribere ac nominare, omnibusq;  
dignitatibus, prerogativis, gratijs ac  
juribus ubiq; gaudere, uti ac frui debe-  
ant ac possint. Quo verò FERDI-  
NANDVS hunc, totamq; LIPSCIO-  
RVM Familiam, eodem Te quoque  
alterum JOANNEM, imò illo Ma-  
iorem, FERDINANDI Nepos CA-  
ROLVS*



ROLVS præfens prolequitur & hono-  
rat affectu, CARDINALIS EMI-  
NENTISSIME. Successiva in his  
MONARHIS non magis Majestas &  
Gloria IMPERATORIA, quàm Vestri  
æstimationis, appretiationis meritorū:  
uraq; AVGVSTISSIMÆ AVSTRIACÆ  
hæreditaria DOMVI, utraq; summa in  
Orbe & immortalis. Vidit MAXIMVS  
Hic IMPERATOR in specula DIGNI-  
TATIS Tuæ, ut in speculo probitatis, LI-  
PSCIANI Intemeratam Virtutem No-  
minis, Honorum & Æstimationis in Or-  
be magnam & optimam hæredem, recen-  
tibus in Te summè auctam Dignitatem,  
rectefactorum, meritorumq; in Christia-  
na Republica Decoribus; nec eam ap-  
pretiare non potuit, multo minùs non  
honorare. Ergo INVICTISSIMVS li-  
cet, Tui in manubias libens libens cessit  
amori Honoriq;, PV RPVRAM cultui  
Tuo inclinavit suam, Romanæ Ecclesiæ  
impetravit. Ita pendulus è pectore Cæ-  
sareo, in LIPSCIOS semper propensif-  
simus, virtute & Gloria purissimus ac  
immacu-

immaculatus AGNVS, PURPUREVM <sup>laqi.</sup>  
Tibi acclinavit VELLUS, quodq; Tuis  
conveniens non habuit Meritis, à Thro-  
no MAIESTATIS SVPREMÆ exora-  
vit. CESAREÆ Gratia, meritò RE-  
GIA quoq; SERENISS. nostri REGNAN-  
TIS accensenda, ut Te DIGNISSIME  
CARDINALIS, MONARCHARVM  
Amorem & Pretium, Votum totius EV-  
ROPÆ, & velinde totius esse, ORBIS  
GRATIAM, palàm constet, Ergo  
in partem Elogiorum Tuorum veniat,  
PONTIFICIIS Tuis CORONATI  
manibus, Tuorum Grati Conroatoris  
Meritorum, Regijs exorata votis.

GRATIA  
SERENISSIMI  
AUGUSTI III.  
REGIS Poloniarum  
Felicissimi.

*Semper in adorationem*  
Ad omnium Coronato Fortunam

cadendum,  
AUGUSTO;

Lz

ast in



*Est in*  
**EMINENTISSIMO**  
**CARDINALE,**

*Etiam, assurgendum in Elogia.*

**Paradoxum Laudum**  
**Hic PRINCEPS,**

*Inter bella* **PACIFICVS,**  
*Inter adversa* **FORTVNATVS,**  
*Inter nubila, Honore & Virtute* **SERENISSIMVS,**  
**Munivit Pacem Polonam suis GLADIIS,**  
**Gladios Polonos Pacis donavit trophæis.**

*Non bene Secura Pax, quæ arma abjicit;*  
*Nec arma pulchrius, quam pace triumphant.*

**Thaumaturgus MONARCHA!**  
**Emortuam REGNI redanimavit Securitatē,**

*Languentem vivificavit Fortunam.*

**Et Caput dedit CORONÆ,**  
**Et Regno Animam,**

*optimè bonum Commune spirantem,*  
*ubi toti* **REIPUBLICÆ**

**Ordinis, Pacis, HONORIS**  
**Vitam qua nulla pulchrior,**

*Inspirat.*

**Ne lugere Posteris fatis ereptum**  
**AUGUSTUM II.**

*redditus est in* **FILIO.**

**SCEPTRI & BONITATIS suæ**  
**Optimo**

**Optimo Successore.**

*Plaudimus!*

**Vivit AVGVSTVS!**

**Regnat AVGVSTVS!**

*Nomine* **TERTIVS,**

*Omine* **SECUNDVS!**

*Revera* **SECUNDISSIMVS.**

**R E X,**

*qualem optare potuimus,*  
*qualem nobis invidere sæcula:*

**SAPIENS, PIVS, IVSTVS,**

**GRATIOSVS;**

*& ceteri*

**Cum Tito in Generis humani delicias,**  
**Cū Macedone in stuporem terrorēq; Gætium**  
*nasceretur,*

*tam suis Amabilis,*

*quàm hostibus Formidabilis.*

*Si cetera deessent,*

**Solius majestate Animi Regnum merere.**

**Ob Divinas Regiasq; suas dotes,** *(cur.*

*Semper Dignus in THRONO adorari.*

**CORONATUS,**

**Coronavit REGNUM:**

**Honorum & Ministeriorū æqua distributione,**

*quod magnum;*

**M**

**Pacis**



1004 Pacis & tranquillitatis introductione,  
*quod majus;*

SEIPSO ad omnium nato vota & Præmia,  
*quod maximum.*

Post distributas bene Meritis Dignitates,  
nè quis adhuc REGNO deesset HONOR.

Adjunxit  
Romanam PURPURAM,

Ostenditq;  
etiã in POLONIA posse videri ROMAM,  
posse nasci

Romanæ Ecclesiæ SENATORES,

nè alibi duntaxat  
Hos Sacræ TRABÆ Soles

oriri contingat.  
*Dignus perennare PRINCEPS,*

Qui REGNUM suum

In tanta DIGNITATE honorat.

In Ecclesiæ COLVMNA erigit.

In Toga CARDINALITIA Pace donat.

**I**Tà REGIAS Laudes compendio me-  
moravimus inter Tuas, CARDINA-  
LIS MAXIME: vel quòd Laudes Tuæ,  
Animus, & DIGNITAS, Regum com-  
munes sint Majestatibus, nec alibi referri  
scribiq; debeant, quàm inter MONAR-  
CHAS, per PRINCIPVM Augustalia;

vel

1005,  
vel quòd Panegyri Tuæ, nisi Scepbris ful-  
ciatur calamus, Magnitudine Merito-  
rum Tuorum obrutus, succumbere to-  
ties cogeretur. Excurrimus ad Virtutes  
dotesq; summas AUGUSTI, ut Orbis  
videat: Quanto Principi Regium impo-  
sueris Diadema, Quantus Tibi quòque  
contulit ad PURPURAM. Coronavi-  
mus vel impari Elogio MONAR-  
CHAM, quem sua Virtus & Merita,  
quem PONTIFICIVS Tuus Character,  
quem POLONIA meliori coronavit  
Stephanomate. Et verò meruit Laudes,  
qui GLORIAM: meruit nostræ lertæ  
Eloquentiæ, qui Regni Universi, æquæ  
in GENITORE suo Regum OPTIMO,  
ac in Se Regiorū Illiade Principum Deco-  
rumq; meruit CORONAM. Dignus lau-  
dari in se, in Te dignior; in Tua ampliùs  
Augustus Dignitate. Cùm esset MAXI-  
MVS, & Titulo Ingentior omni, in Te  
factus est Major! EMINENTIA Tua,  
etiam Illius altiùs provexit Nomen, HO-  
NOREMq; ut jam plusquam proprio &  
communiter usitato Regibus vocabulo

M<sub>2</sub>

dici



1006 dici debeat EMINENTER MONAR-  
CHA, qui Te ad Regni sui ampliorem  
Dignitatem assumpsit EMINENTISSI-  
MVM. Quis non mille coronet Enco-  
miis Regales Illius *FLUVIOS*, quibus non  
jam *Scuta Virum Galeasq; & fortia*  
*Corpora*, non jam Regum Sceptra, Co-  
ronæ, & Solia Imperantium; sed ut olim  
Oceano Cæsaris, sic nunc POLONIÆ  
Fortuna Publica, & Honor, Tecum  
feliciore VELLERIS PURPURATI  
Jasone, ad beatum provehitur Pro-  
montorium. Celebrandi per triumphales  
Portas, per immortalis Gloriæ attol-  
lendi Trophæa, *Victoriosissimi* AUGU-  
STI felicissimè Regnantis *Enses*, qui Vir-  
tuti Tuæ & Honori ad Triumphum Glo-  
riæ militarunt. Sed offert se Elogijs no-  
stris integra, Laudum Tuarum Merito-  
rumq; plena RESPUBLICA; venit in  
paginam cum REGE REGNUM. Uni-  
versalis Orbis celebraris GRATIA, Spe-  
cialis POLONIÆ: non quòd HONO-  
REM tam Augustum ab ea acceperis, sed  
quòd merueris, & illi in TE dederis.

Ergo

1007.  
Ergo post Coronatrices Orbis Ortho-  
doxi Gratias, impleat Tui partem Elo-  
gij, è Tuo nata Honore

GRATIA  
& FORTUNA  
REGNI POLONIÆ,  
Totiusq; FLORENTISSIMÆ  
REIPUBLICÆ.

*Post Elogia*

REGVM, CÆSARVM, ECCLES:

Venit in Tui Panegyrim Nominis

POLONIA,

CARDINALIS

EMINENTISSIME.

Meruerat vel prima poni in hoc Syllabo,

Quæ Te

Regum, Cæsarū, Orbis totius,  
*Amoribus, Laudibus, Honoribus*

Dignum edidit,

In qua Tu Ipse

Per omnes Dignitatum Gradus

Honorem tantum meruisti.

*Eam laudare,*

Non hujus pagellæ, nec nostri calami est.

N

Histo-



Historiā saeculorū, omnib; majorē Anna-  
deberet scribere Orator, (libus

Qui

Regni & Reipublicæ Polonæ Laudes

Vel Synopticè vellet narrare.

Cōpēdium Laudū illius, & magni Syllab;,  
ab Orbe publico adoraris

**CARDINALIS**

**GLORIOSISSIME.**

Elogium, Honor, Fortuna

in gradu eminenti

**POLONIÆ** existis:

Et ut simul totum claudamus,

Magna & specialis **GRATIA.**

Annus, dicamus, quid sit **POLONIA?**

Est Liberarum, ad Regnum natarum,  
decoribus peraugustarum.

Corona Mentium,

Cujus Tu **FRONS & GEMMA** Princeps.

Est Triumphantium de Orbe Vitorum Patria, & felicior  
quædam **MACEDONIA.**

Cujus Tu verus **ALEXANDER,**

& melior Orbis **TRIVMPHVS.**

Est Europæ Pectus, Christianitatis Clypeus,

Cujus Tu Cor, Animus, & certa

ad prosterenda Fata,

**Fortitudo.**

Regnum hoc inter Imperia & Regna,

Intimina-

Intaminata Religione, Nobilissimis, Am-  
plissimisque Familijs,  
Raro Libertatis Aureæ Privilegio.  
Florentissimum.

Nunc **TE**

**PURPURÆ TUÆ,** &

**PURPURATORVM** *Flore* **PATRVM**

ornatur pulchrius,

quàm Pæstani. Hymettus delicijs,  
aut amæna Cæli regio, rubentis ortu Phosphori.

Coronatam se planè credit

Terrahæc **REGUM** Nutritia & Mater,

dum Te **PAREM** **REGIBVS** si non Majorem,

ad tantæ raritatem Gloriæ educavit.

Enim verò

quid felicius augustiusve tantæ **PATRIÆ?**

quàm

Extra Romam, & Orbis theatrum,

Videre in gremio suo.

Romana Decora, Gemmas Orbis,

Ecclesiæ **PRINCIPES,** Suprema Pretia

**DIGNITATVM.**

Vide Fortunam Tuam

**SARMATIA!**

Quidquid ad Lechici Honoris augem

*augustum,*

Ad Antecessorum, Posterorumq; Gloriam

*magnificum,*

Ad Omnium Coronam votorum.

N<sub>2</sub>

*pretiosum*



*pretiosum & Ingens*

*desiderari poterat;*

*In*

**EMINENTISSIMO  
CARDINALE,**

Fascium suorum Coronamento,  
Et Tantæ auxes **DIGNITATIS,**

*eminenter totum,*

*à Superis tibi collatum.*

*Reflorescet sub his Ecclesiæ Fascibus*

*benedictione*

**Tellus Patria;**

*Ex Purpureo Erythro tanquam è MARI Magno*

*gemmeæ horæ, & pretiosa RENGO*

*fluent momenta;*

*Penes SACRAM Ecclesiæ ANCHORAM*

*navigabit secure,*

*latrantesq; despiciet Scyllas*

*Fluctuantis Navis Reipublicæ:*

*In JOANNE Gratias,*

*In ALEXANDRO Triumphos,*

*In CARDINALE Robur,*

**Melioris Sæculi**

*Univerſa Polona Gens habebit.*

**T**Antus es, FORTVNATISSIME  
& EMINENTISSIME PRINCEPS,

*ut ad*

ut ad universa nobis vota sufficiās corō-  
nanda; Tantus, ut narrari scribiq; non  
possis, quin Tecum influant in calamum  
felicissima quæq; omina, fluant inter ver-  
ba aurei ditandæ Expectationis publicæ  
torrentes, Orbis Gratix in Eminentis-  
simum Tuum & Dignissimum effusæ No-  
men, simul se cum Elogiis effundāt in pa-  
ginam, exudent in Panegyrim. His im-  
mersa, & à primo statim margine Mare  
immensum nacta Oratio nostra, hacte-  
nustam pretiosis circa Te tantūdem deti-  
nebatur procellis, ut veniam meritò pe-  
tere debeat, quòd lento adeò in Tuis  
Laudib; progrediatur passu, ut nondum  
Te vel accessisse videatur. Quanquam à  
Te nunquam digressi sumus, dum Elo-  
gijs Gratias Orthodoxi percurrebamus  
Orbis: ubiq; NOMINIS Tui immensam  
coluimus Magnitudinem, adorabamus  
Merita, Virtutem Thaumaturgam, recte-  
factorum prodigia, cum demisso admi-  
rabamur cultu, consignavimus æterna-  
turæ Fastis memoriæ Æstimationem,  
Laudes, Pretia, quibus Te, Eminentissi-  
mumq; Tuum LIPSCIANUM No-  
men.



1012 men Supremi celebrant MONARCHÆ,  
Orbis coronant CAPITA, PROCE-  
RES Universæ circumferunt Christi-  
anæ REIPUBLICÆ. GRATIOSISSIMO  
JOANNIS devoti NOMINI, coluimus  
singulas distinctim GRATIAS, quæ  
HONORIS Tui Amplissimam circum-  
stant Majestatem, quibus in Coronam  
Tuorum laboratum est ab Orbe meri-  
torum. Specialem ultimò POLONIÆ  
annotavimus GRATIAM, id est Ter-  
minum felicem cæterarum, nostrorumq;  
Metam coronariam votorum; ad quam  
PRÆCURSOR JOANNES, publicæ  
felicissimus *Anteambulo* Fortunæ, in  
Campo Meritorum & Arena Virtutis,  
Gloriosior adoraris Stadiodromus.

At unde Tibi PRINCEPS, Tantæ  
Corona Gloriæ? unde Amores, Ho-  
nor, GRATIÆ CHRISTIANI  
ORBIS? non à favore aut nudo re-  
spectu Sæculi, neque ab extrinseca tan-  
tùm & gratuita Supremæ denominati-  
one Potestatis: sed Tua Ipsius supere-  
minens Dignitas, Tuæ Consumma-  
tio Nobilissima Virtutis, Probitatis &  
Merito.

1013 Meritorum cælo & Orbī clarus Splēdor,  
tantæ in Te & POLONIAM Fortunæ,  
motivum felicissimum. Tu Hybla il-  
la divinior, nectare cælestium refertissi-  
ma charismatum, cui Coronatæ Regno-  
rum Apes, ad mellificium publicæ con-  
dendum felicitatis, volupè adhæserunt.  
Sidus eras Primæ Magnitudinis, fulgen-  
tissimis Sangvinis, Meritorum, Virtu-  
tum in Cælo Sarmatico præprimis co-  
ruscum Splendoribus; & idè non per  
dioptram Archimedis videri, sed palàm  
Orbis Oculos Orthodoxi in Te vertere  
meruisti. SOL inter Sidera eras, & idè  
has REIPUBLICÆ Christianæ AQUIL-  
LAS ad Te traxisti. In summa, *Gratia-*  
*rum* compendium à virtute & natura  
es IOANNES; nec mirum, quòd Or-  
bis quoque GRATIÆ ad Tuorum  
Coronamentum concurrerint Merito-  
rum. Non assentationis titulo, sed Or-  
bis iudicio, sed Dignissimæ Tuæ, in una  
PVRPURA multiplicibus excellentissi-  
marum qualitatum ornatae Decoribus,  
evidenti documento PERSONÆ, pro  
Oz genui-



1014 genuina Tibi PRINCEPS MAGNE.  
scribimus Panegyri, quod sis

**GRATIA  
GRATIARVM ORBIS,  
FORTUNATISSIMUS  
CARDINALIS.**

**F**lumina corrivasti ad Mare, Regno-  
rum Pretia ad Ingentem collegisti  
Gazam, dum Orbis Gratias ad NOMI-  
NIS Tui augustum Decus, in PURPV-  
RÆ auctuario accepisti, CARDINALIS  
EMINENTISSIME. Non attollit  
Orbis Publicus, nisi Excelsas Magnitudi-  
nes, non auget luce, nisi illustria splen-  
didaq; Decora; nisi pretio & amore sint  
digna, non appretiat, nec amat. Æsti-  
mantur ab omnibus Gemmæ, quia in-  
ter cæteras res præstantes singulariùs  
nitidæ, & ad tantum à natura provectæ  
pretium. Attollitur supra gemmas & au-  
rum Adamas, quia raro lucis jubare, in-  
signisq; forma decoris, ultra gemmas  
eminet, assurgit supra primorum pretia  
metallo-

1015 metallorum. Salicta & humiles despici-  
untur Myricæ, quia nativa viles qualitate.  
Cedrus Excelsa, aut Capitolina sit Quer-  
cus, cui Honorum insculpantur Deco-  
ra, Cæsarum aut Deorum Insignia ap-  
pendantur. Sacra Honoris & Gloriæ in-  
dignum Apothèosi, nisi Sacrum San-  
ctumq;, & eminentioris supra cæteros  
Virtutis prodigiis commendatum. Et  
hanc in Te miramur, colimus demis-  
se, quia scribendæ meritaq; Panegyri attol-  
lendæ non sufficimus, Naturæ & Virtu-  
tis Felicitatem, CARDINALIS DI-  
GNISSIME. Coronaris ab Orbe Publi-  
co, par tanto Decorì CAPVT, suis pri-  
us inter PRÆSVLEAS, DVCALESq;  
MITRAS Meritis, ultra pretia corona-  
tum. Cælo Eminentissimæ sublimaris  
Dignitatis, quia Sidus omnigeno priùs  
magnum splendore. GRATIAS lu-  
craris MONARCHARVM, quia Orbis  
amore dignus, tam inclytissimæ orna-  
mento Domus, quam Tuarummet spe-  
ciosissimis charismatibus virtutū, GRA-  
TIOSVS JOANNES. Nihil Tibi ad  
P summa-



1016 **summarum Excellentiam qualitatum, ad  
pretium augusti & Magnitudinem No-  
minis, ad Gloriæ Eminentiam negatum  
à Superis, desideratum à natura, nihil  
non concessum à Fortuna. Ut in Phæ-  
bo jubar, in Crystallo radii, in Flore  
gratiæ; sic in Te summa quæq; concen-  
trata ad admirationē Decora, quæ divisa  
beatos efficerent alios, collecta adoran-  
tur: ut nostri Phænix sæculi, omnium  
ætatum Prodigium, scribi meritò diciq;  
debeas. Permite per singula distinctim  
compendiosâ progrediamur dictione,  
fusiori enim & pleno caractere si omnia  
scribi deberent, exhaurirent sepias & in-  
genia. Ut à prima ordiamur planta,  
& basilico tam augustæ Structuræ funda-  
mento, prodeat primò inter Primas Il-  
lustris Familias, Regiis in Te Par SE-  
RENITATIBVS**

**SPLENDOR DOMUS  
LIPSCIANÆ,**

*Compendio relatus.*

**C**ælum deducere necesse in pagi-  
nam,

1017  
nam, aut tantum delineare Olympum,  
quantum Cælum est; ut **LIPSCIA-  
NÆ splendor Lucinæ**, congrua  
panegyri declaretur. Nihil hic, nisi ma-  
gna Sidera, Excelsæ Terrarum Luccæ,  
**REIPUBLICÆ** Phænomena, Soles  
Senatûs, Ecclesiæ Luminaria. A sæculis  
**Lux Alta DOMVM**, præcellaq; toto <sup>Statius</sup>  
*intravit Fortunagradu!* ut non aliter  
Orbi appareant, quàm in perfecto Phæ-  
bus meridie. Amplissimum Gentilitii  
**RASTRI** Campum, non humiles  
colles, aut tenuia arva, sed magni im-  
plent Mōtes, honorariis semper pullulan-  
tes Fascibus, Florentissimi Heroum ad-  
densant Manipuli, Seges Virorū Laureata,  
Homines frugi optimæ, multiplicib; tam  
Patriæ & Ecclesiæ, quàm Domui suæ, Ho-  
norum Ingentes Fructibus, ad immensa  
Gloriæ protendunt spatia. Pretiosa Stir-  
pis Vestræ Arbor, *Hesperidum risit,* <sup>claud.</sup>  
*quos dictat fabula, ramos;* Aureos ve-  
rius Orbi progignit Viros, pro fructu  
summa Merita amplissimis semper coro-  
clesiæ



1018. nata Honoribus, Senatui Patritios, Ec-  
clesiæ Præfules, Tribunalibus Arcopa-  
gitas, Castris Herodæ, Territoriis Provin-  
ciisque Dignissimos profert Officiales.  
Parca & sterilis alibi Decorum Natura  
& Fortuna, non decennio, sed vix sæcu-  
lis Ebur producit pretiosum. Vos in  
Senatûs Aula, non quasi in Arabia Phæ-  
nix unus, sed Agmen estis Purpureum!  
in Templo Honoris Concilium Patrum,  
Præfulum Confessus, Numinum Panthe-  
on veriorum. Adoravit toties Polonus  
Orbis LIPSCIOS in Curulibus CA-  
STELLANOS, ac PALATINOS  
Magnos, adoravit in Faldistoriis prima-  
rumq; Ecclesiarum Cathedris PONTI-  
FICES suis Infulis Majores; stupuit in  
Comitiis & Tribunalibus Aristidas, in Le-  
gationibus Cyneas, in Castris Hectores,  
in quovis Campo Gloriæ Viros semper  
Ingentes, Regum, Cælarum, Ecclesiæ  
Romanæ, Oraculis Laudatissimos. Im-  
mensum esset, & Oratorio majus labo-  
re, proferre ad paginam singulos; An-  
norum revolvenda forent Lustra, sæ-  
culorum

culorum recensendæ Centuriæ, Æta- 1019  
tum dinumerandæ Myriades, si numeris  
absoluti & majores, Domus LIPSCI-  
ANÆ Majores, ad Tuam CARDINA- 30  
LIS EMINENTISSIME Panegyrim  
specificari omnes deberent: *Longa ve-* *Scatena*  
*tustas dinumerat Fastos, nec parva E-*  
*xempla recenset.* Sufficiat innuisse ali-  
quos, & ex his aliorum magnitudinem,  
totius hujus Ornatissimæ, & inter Princi-  
pes Familias facilè Primæ, gloriam &  
splendorem PROSAPIÆ collegisse.

Elogiorum Apex, Laudum & Nomi-  
num Synopsis, *CELSISSIMVS AN-*  
*DREAS à Lipe LIPSKI, EPI-*  
*SCOPVS CRACOVENSIS,*  
*dux SEVERIÆ.* Tuus & PROA-  
VVS Gloriosissimus, & Cathedræ AN-  
TECESSOR Magnus. Si cinon obtigisses  
SVCCESSOR Maximus, crederemus  
posse illi à sæculis adinveniri parem, ma-  
jorem nunquam. Dignitatis illius in o-  
mnibus emeritæ Fascibus magnitudi-  
nem, ex Tua colligimus, qua Tibi, omni-  
bus Tuis Gradibus ad Tantum præivit  
Q verus



1029. *verus Antecessor* Fastigium, præcessissetq; etiam pluribus, nisi adhæc *Præcursor* JOANNES nostro reservareris sæculo. Quantum tamen à Superis, majora Tibi parantibus, Illi permissum, etiam sæculo suo Te omnium Admirationem Ætatum, Exemplar PRÆSVLVM & Prototypon absolutissimum, in omnibus suis repræsentavit Honoribz. PROCANCELLARIVS primū Regni, mox CANCELLARIVS Sprem, Majestati assitit ut Stator Regni, Legum & Libertatis Atlas. Itā Signatorias tractavit Ceras, ut semper in eis refulgeret æquitas, honor Reipublicæ, Sanctitas Religionis radiaret. Aquilas Regni ad publicum ita proferbat Solem, ut nunquam limites recti transcenderent, omnium verò involarent affectus. Dignus, qui & Regibus esset à Latere, & Omnibus à corde: tam Annuli Signatorii Gemma, quàm Corona Animorum, EPISCOPVS demum quatuor Primarum INFVLARVM, *Luceoriensis, Brestensis, Vladislavien-*  
*sis, Cracoviensis,* nec non DUX SEVERIÆ; tot Mitras illustriores fecit  
suis

1027  
suis Virtutibus, quàm nativo jubare; pretiosiores uno suo Nomine, quàm si milibus niteant gemmis. PRINCEPS & meritis & Honoribus Maximus, etiam Cathedralem suam Urbem, etsi aliàs magnam & in toto Regno amplissimam, majorem fecit, Regumq; Coronatrici ferè adjecit Coronam, dum eam Fundationibus, Beneficiis, signanter autem UNIVERSITATEM, Literarum clarum in Orbe Emporium, & hujus Urbis præcipuum Decus, Ecclesia Collegiata Choczensi extructa & dotata auxit.

Tanto PRINCIPI succedit in Laudes, non minor Nomine ac meritis, etsi Sæculari inferior Dignitate, genuinus Magni DUCIS Frater, & Achilles Lechiæ, ILLUSTRISSIMVS ADAMUS LIPSKI, PURPURARVM Pretium, PURPURATORVM Amor, *Tarnogrodensis* CAPITANEVS, *Betzensis* VEXILIFER, alter Tuus PROAVVS, CARDINALIS EMINENTISSIME. Ut ille Ecclesiæ, sic iste ad Aram Gradivi, Princeps Mystes  
Q<sub>2</sub> & victi.



1022 & Victimæ salutis publicæ, Heroum Lau-  
reatus. Antistes, & verus Protopater  
ADAMVS Vir, æqualis cui Pyrrhus erat  
cum Pergama solus verteret, & patri  
Claudi. non degeneraret Achilli. Trabeam ei  
Senatoriam sæpe obtulit, Regum ac Se-  
natorum, quibus erat intimus, æstimatio  
& amor; sed lorica heros animus exu-  
ere noluit, inter bellicas pro Patria con-  
tinuus Expeditiones: maluitq; manum  
ad gladios, quàm ad secures Senatorias,  
ad sagum humeros, quàm ad Muricem  
porrigere: pretiosius sibi iudicans fer-  
rum, quo salutem redimeret Patriæ, quàm  
aurum, quo coronaretur.

Geminis his Virorum PRINCIPIBUS  
proximè in Elogia, Tertius ab Iove Ajax,  
ILLVSTRISSIMVS SVENTO-  
SLAUS LIPSKI, Tribunalium JU-  
DEX Betzensis CAPITANEVS,  
Tertius PROAVVS Tuus, PRINCEPS  
EMINENTISSIME. Sudores illius in Sa-  
go & Toga, unde immortale Nomi-  
nis tulit pretium, gemmis omnibus Pa-  
tria habuit cariores. Fortis fuit in Castris  
Bellonæ,

1023 Bellonæ, fortior in Themidis. Illis ar-  
ma, Consiliaq; his animum sacravit in-  
fractum & indefectum. Laudes Illius,  
quas per Curias Tribunalitias, Commis-  
soriales, Castrenses, non jam Palatinatûs  
sui, sed Regni totius per Arcopagos in-  
taminato & immortalis signavit chara-  
ctere, nullus satis exaraverit Orator. Ta-  
lem sensere Solonem res Pandionia, sic  
armipotens Lacedæmon despexit mu-  
ros, rigido munita Lycurgo. Plurâ Ille  
pro Patria, pro Cælo egit, scripsit ac sen-  
sit pro Iustitia, quàm pro Panegyri ejus  
ab ullis possit scribi Tullis.

Quid verò dicemus de BRONISLAO,  
ante Quadringentos Annos, GNE-  
SENSIS ARCHIEPISCOPUS, &  
omnium AVORVM Tuorum GEM-  
MA PRINCEPE, CARDINALIS  
MAXIME. Sæculis Tibi in Tātâ Gloriæ  
præivit Appia, prolusit gloriosissimè in Sa-  
crarum Campo Amplissimo Dignitatum.  
ADMINISTRATOR, id est alter AR-  
CHIEPISCOPUS, & PRIMAS Archidia-  
cesis totius, Laureas immortalis famæ,  
R Gentili



1024 Gentilitio plures collegit *RASTRO*,  
quam per Honorum Capitolia spectari  
possint. Fulsit toti Metropoli, imò Re-  
gno Ceris, fulsit Virtutibus, praeluxit E-  
xemplo: Cleri Amplissimi & inter omnes  
primi veriùs Canon & Regula, quàm  
Director, *PRÆLATORVM & PRIN-*  
*CEPS*, & Exemplum supra Exempla.

Licet autem Tantum *CAPUT*, fron-  
tem Metropolitanæ *INFVLÆ*, quã manu  
gessit, non inclinavit, præmisit tamen pa-  
ria illi merita, in Successore *JOANNE*  
*de Lipe LIPSKI, ARCHIEPI-*  
*SCOPO GNEŚNENSI, PRIMA*  
*TE REGNI* coronata. Stemmata  
quidē Hic diversus est à Te, *CARDINA-*  
*LIS EMINENTISSIME*, sed non Domus  
nec *NOMINIS* Gloriã *LIPSCIANI*.  
Tuus est, & ferē alterum Te, (nisi major  
Illo esses,) suo præmisit sæculo, quia  
*JOANNEM*, quia *LIPSCIUM*, quia  
*CANCELLARIVM* Regni Clarissi-  
mum, *PRÆSVLEM* plurium *INFVLA-*  
*RVM*, imò *ARCHIANTISTITEM*!  
ut & Tu hodie, *CARDINALITIA*. Vir-

tutisq;

1025  
tutisq; *EMINENTIA*, prorsus *ARCHI-*  
*PRÆSVL*, nisi quòd tãto quoq; Altior sis  
Fastigio, adoraris. Si *PRIMA* hic Glo-  
riosissimus, immortalē famã Verticem ē  
suo nunc levaret Mausolæo, quantum  
suæ applauderet Gloriæ! videret se in  
Te Majorem, stuperet *EMINENTISSI-*  
*MVM*. Senatum illum Grandem *Solea-*  
*te* suæ *LADZICIORVM*, & Vestræ  
*LIPSCIORUM*, convocaret Gentis,  
*ARCHIEPISCOPOS Leopolienses*  
in *CONSTANTINO*; *PALA-*  
*TINOS* *Ravenses*, in *ALBRACH-*  
*TO & GASPARO*; *CASTEL-*  
*LANOS* *Siradienses*, *Ravensesq;* in *A-*  
*LEXANDRO, FRANCISCO, SAMV-*  
*ELE*; *CAPITANEOS, IV-*  
*DICES* *Terrarum, Tribunalium*  
*MARESCHALCOS, PRIN-*  
*CIPUM* *Exoticorum* *LEGATOS*,  
in *MATHIA, IACOBO, IOANNE,*  
*ANDREA, FRANCISCIS* duobus;  
*ABBATES, SCHOLASTICOS,*  
*ARCHICANCELLARIOS*  
*Gneśnenses, PRÆSIDENTES*

R<sub>2</sub>

Tribunalis



102<sup>6</sup> *Tribunalis Regni & Iudices* ultra tri-  
ginta vicibus, in FRANCISCO & PHI-  
LIPPO; plurimosq; alios Officiales, Di-  
gnitarios, Regni & Ecclesiæ Atlantes,  
Gemmas, Decora: in innumeris aliis ad-  
duceret LIPSCIJS. Cum omnibus his,  
nisi jam altiore æternitatis Tantus Vice-  
REX consideret Throno, REGIBUS  
Parem Tuam in LIPSCIANA DO-  
MO cum triumpho saluaret Majesta-  
tem, immortalem Nomini suo accessisse  
in Te Gloriæ Coronam gratularetur.

Non imus per universam, cum imper-  
transibilis, prorsusq; immensa sit, LIP-  
SCIANORUM Seriem NOMINVM;  
ut ad Te citius nostra perveniat Oratio,  
relictis suo Immortalitatis Syllabo & Co-  
ronæ, AVIS, PROAVIS, ABAVISq;  
Tuis, ad Magnum Patriæ Patrem, Polo-  
num Honorium, VENCESLAUM LI-  
PSKI, *Divum Tuum GENITO-*  
*REM* venimus, CARDINALISEMI-  
NENTISSIME. Non exponim, clarā sei-  
psa Orbi & sæculis, Excelētissimi hujus Vi-  
rorum Principis, Ducibus Magnis parē, in  
Castris

1027  
Castris Fortitudinē, quoties enim ferien-  
da esset hostilis protervia, *non rectius en-*  
*sem, Bellonæ strinxere manus;* pla-  
nē cum Marcello *Gladius* credi poterat  
*REIPUBLICÆ*, dum pro Patrio  
erat pugnādum Latio. Hoc unum in Eo  
Laudes superat, Hyperbolicis etiam alti-  
us superlationibus, quia Is à Superis ele-  
ctus est, qui Te Poloniæ Solem, Eccle-  
siæ Luminare Magnum, Numen Sacri  
Senatūs & Prodigium, Orbi edidit. Si  
quid natura unquam meditari magnum,  
aut prodigiosum ad gloriam & admirati-  
onem visa est protulisse, in hoc VIRO  
ipsam etiam excessit admirationem,  
dum Te Orbis *GRATIAM*, specialem  
& proprium beatifici partum NVMINIS,  
generavit JOANNEM. Sed nulli mirum  
id esse debere affirmamus: LIPSCIJS  
enim aut nasci, aut parere Ætatum Mi-  
racula, nec jam semideos, sed prorsus  
Divinos prodire in Orbem Homines,  
Numina veriora Terrarum generari,  
connaturale est & propriissimum. Ita-  
que Nobilium Patriæ Patritiorum Parens  
S VENCE-



1028 VENCESLAVS, Gemmarum Fons,  
Scipionum Pater Scipio, Virorum Ingen-  
tium Jlias; Nomen, quod ex Sanguinis  
LIPSCIANI pretio, suarumq; auro opti-  
mo Virtutum, publica dives æstimatione  
habuit, sibi paravit thesauro ingentius o-  
mni, dum Te CARDINALIS MAXI-  
ME, ad POLONICI Decus & Pretium  
Nominis, ad Domus suæ immortalem &  
maximam Gloriam, ad nostra solatia  
& fortunam, Sacrorum PRINCIPEM,  
ANTESIGNANVM PONTIFICVM,  
Senatus Lechici & Majestatis AUGU-  
STUM, Ecclesiæ Jubar, verum JOAN-  
NEM quo in Polonia non surrexit Ma-  
jor, ALEXANDRVM, cujus Gloriæ  
spatium vix par dabit Orbis, educavit.

Rapiunt adhuc calamum ad sua Elo-  
gia, Tuæ non postrema Pars Panegyris,  
*Nobilium Pars Maxima FRATRUM,*  
*ILLUSTRISSIMI Toga & Sanguine*  
*Tuo QUIRITES,* STANISLAVS PRÆ-  
POSITUS Sendomiriensis, JOSEPHVS  
CASTELLANUS Belzensis, PROCO-  
PIVS CAPITANEVS Siremensis, VEXILIFER

XILIFER Posnaniensis, THOMAS: 1029  
Buzensis VEXILIFER, ANTONIVS.  
THESAUURARIUS Belzensis, PETRVS.  
DAPIFER Calissiensis, Magni & Æsti-  
matissimi in publico Orbe LIPSCII.

Parcite, *Armorum Proceres Legumq;*  
*Potentes Patritij*, quod uno Vos simul  
scribamus Elogio, multum enim Vobis  
insudare deberet contra naturale inge-  
nium penna, magnos producere in Or-  
bem Tomos, nec unam laudum implere  
Panegyrim, si distinctim narrari scribiq;  
deberetis. Augetis simul Orbis Poloni  
Jubar, ornatis Characteribus Patriam,  
DOMVS aliàs CELSISSIMÆ, nunc  
etiam AVGVSTÆ ac EMINENTIS-  
SIMÆ Nomen magnum, non minori por-  
tatis dexteritate, Cælo & Orbi infertis  
coronandum. Simul & Panegyrim E-  
MINENTISSIMI implere CARDINA-  
LIS, ceu Gemmæ Reipublicæ ac Eccle-  
siæ, hanc Laudationis simul adornate  
Coronam. Præterire & Vos non possu-  
mus, Magnæ Lechici Orbis Spes, ast non  
in herba, etsi in flore ætatis, Illustrissimæ  
S2 vestra



1030 Vestra in Aurora, Domus LIPSCIA-  
NÆ Lucis, MICHAEL PRÆPOSITE  
Choczensis, & JOSEPHUS Pafnaniensis  
Ensiferida: Cælum Vobis magnorum  
Siderum & splendorum, supremo illu-  
stre meridie, PURPURATUS & pror-  
sus SERENISSIMUS accendit TITAN;  
Diem salutate Vestrae Gloriæ! procedi-  
te ad meridionalium jubar splendorum,  
serò aut nunquam ad occasum.

Nō adducim⁹ plura splendidissimæ DO-  
MUS Tuæ Nomina, CARDINALISEMI-  
NENTISSIME: *Quis sublimis Genus,*  
*formaq; Insignis Hetruscæ nesciat?*  
*Statius.* clariora sunt seipsis Orbi publico hæc Si-  
dera, quàm ut luce Oratoria, quam po-  
tius suo splendore extinguunt, illustrari  
ac demonstrari valeant; & aliunde plu-  
ra in tanto radiant Olympo, quàm pos-  
sint à nobis computari. Imò & hæc ipsa,  
non ulla necessitate ad Tuam indigitan-  
dam claritudinem, sed Tua, PRIN-  
CEPS, permissione, quantum nostræ  
quoque capere poterant angustiae, stri-  
ctim & Synopticè nonnisi annotavi-  
mus.

mus. Sufficis eminenter ad omne & Ti-  
bi & Domui Tuæ jubar; *Inq; uno Latius* *claud.*  
*um clarè & tota resulsit Roma Viro!*  
ut si non natus fuisses è DOMO IL-  
LUSTRISSIMA, fecisses; imò jam  
illustriorem fecisti, & parem SERE-  
NISSIMIS. Plus affirmare audemus,  
non LIPSCIANAM tantum DO-  
MUM, sed POLONIAM integram  
Illustriorem reddidisti.

Quanta splendoris majestas in affines  
quoq; proxima Sangvinis necessitudine  
ex Te PRINCEPS MAXIME,  
diffunditur Stirpes! quàm sublimem, inter  
omnes principe titulo, ILLUSTRIS-  
SIMA MIASKOVIANA DO-  
MUS sibi gratulatur accessisse Claritudi-  
nem! quas jam non superasse se in u-  
no Gentilitij cornu Monocerotis, for-  
tunæ plaudit cornucopias: quod non  
tetigisse Honoris punctum: dum talem  
protulit Heroidem, quæ Te PRINCI-  
PEM Regibus Parem; si non Majo-  
rem, digna fuit parere, Materno ge-  
stare sinu, Orbi educare. Quanta, quan-  
ta illa



102<sup>2</sup> ta Illa fuerit, cui se tantum infudit Nu-  
men! BARBARAM ne dicite, AU-  
GUSTA est, quæ Tantum edidit AU-  
GUSTUM! BONA est, quæ partu-  
rivit OPTIMUM! vera OLYMPIA,  
quæ Tantum, si non ad terrorem, ad  
honorem certè & triumphum Orbis ge-  
nuit ALEXANDRUM. Poterat Thro-  
nis dedisse Principes, ad Coronas for-  
masse Capita; quanquam si & hujusmo-  
di è suo Sangvine elicuisset PURP-  
RATOS, non plus gloriæ accepisset.  
Tacemus illius laudes omnes, tacemus  
decora, gemmeas periodis non adorna-  
mus dotes; Elogium ejus maximum, &  
plusquam sufficiens es, CARDINA-  
LIS EMINENTISSIME:

Nicorac.

*Ad Laudes Matris, PRINCEPS,  
hoc sufficit unum,*

*Quod Solem mundo Narraclobta dedit.*

Tantæ Cynthiae, Fratri Phæbo, *ILLV-  
STRISSIMO JOSEPHO MIA-  
SKOWSKI, CANCELLARIO-  
Cracoviensi*, Prælatorum Gemmæ, si  
quid ad pretium majus, ad Nominis, quo  
in Ecclesia, meritis & æstimatione ultra

mensu-

1033  
mensuram crevit IOSEPHVS, subli-  
mius gratulari potuimus augmentum-  
gratulamur Tuæ Fastigium EMINEN-  
TIÆ. Honores ei expectat Patria, in  
Te habet omnes; habeat jã fausto succe-  
ssu & in se eorum augem consummatam.  
MIA SKOWSCII integra ferè nexu  
Consanguineo, ad Tuam, PRINCEPS,  
Magnitudinem se adjungit POLONIA.  
Rempubicam ingentem implent, quæ  
ad gloriæ suæ coronam, Tuæ PURP-  
RÆ Majestatem stipant. LINOWSCH,  
OBORSCH, KWIELECCII, KOSCIEL-  
SCHII, DOBINSCHII, STADNICCHII, DO-  
MANIECCII, KOZMINSCHII, DZIE-  
RZANOWSCHII, GRABSCHII, GOST-  
KOWSCHII, VCHAN SCHII, OSSOLIN-  
SCHII, ZALV SCHII, FIRLEI, LIPNIC-  
CHII, KOWAL SCHII, CHŁAPOW SCHII,  
WIELOWIEY SCHII, TARNAW SCHII,  
ZAKZEW SCHII, MIERZEW SCHII, LE-  
T-KOW SCHII, MIELECCHII, & innu-  
meri alij, qui ut LIPSCIANO sunt Col-  
ligati Nomini, ita à Tuæ derivatione  
gloriæ non separati.

A præclarissimo DOMVS splendore,  
ad Tuarummet, CARDINALIS EMI:

T<sub>2</sub>

NENTIS-



1034  
NENTISSIME, jubar progredimur  
qualitatum, & Meritorum. Soles Ab-  
origines non umbra sequeris, non pun-  
ctum Augustam Lineam, sed Corona,  
sed Caput splendorum. Elogij hujus  
prima facies esto; ut in confesso est,

**Dotum & Qualitatum  
Magnarum Summarium  
P R I N C E P S  
E M I N E N T I S S I M U S.**

**M** Agnum est, nasci è Magnis; ma-  
jus, Majorum lucem proprijs in-  
tendisse qualitibus. Hoc demum  
est, non jam aurum auro addere, &  
jubar luci, sed verum thesauro preti-  
um, lumini claritatem. Pumila est  
Majorum magnitudo, si virtute nepo-  
tis non grandescat. Summā LIPSCI-  
ANI claritudinem Nominis non satis  
illustrem Tibi censuisti, CARDINA-  
LIS MAGNE, nisi eam splendidissi-  
mis dotum maximarum speciminibus  
ab ipso in Te natura auxisset ortu. Ef-  
fulsi-

1035  
fulsisti in ipsa statim Aurora perfecto  
charitum meridie JOANNES, in lu-  
cem olim datus Ecclesiæ, communem  
non tā aspexisti solē, quā in Te potius  
indolis præstantissimæ fulgore intuli-  
sti Orbi. Nondum capax eras forma-  
ri, jam natura totum Tibi suum im-  
pendit magisterium, huc vires omnes  
collegit, & ingenium, ut Te in primo  
statim flore perfectissimis illis imbu-  
isset qualitibus, quarum nunc in ma-  
turo sæculi autumno aureos in Te  
fructus colimus & colligimus. Gran-  
dis aliquis ab infantia domicilium in  
Te sibi metabatur animus, qui Divinis  
destinabaris muneribus; ex homini-  
bus licet assumendus PONTIFEX,  
ultra humanas tamen, cū necdum  
ad hominum crevisses staturam, præ-  
tulisti dotes. Prodigium jam Tuæ cre-  
di poteras ætatis! *non largius usquam*  
*induxit natura sibi.* Vultus, honoris fa-  
cies, gratiarum amæna regio; gemini  
oculorum soles, semper sereni & tem-

V pera-



perati; oris mira suavitas & gratia; corporis tota compositio, omnibus ad perfectissimæ ideam simmetriæ formata lineamentis; ingenij demùm immensitas quædam, ac prope divina vis, res omnes abstrusas licet & reconditas, uno ferè intuitu penetrans & comprehendens! ut non tam studuisse, quàm ad admirationem integra Literarum provocasse videris theatra. Quæ alijs, nō nisi laboribus vendunt Superi, Tibi ultrò donasse, & cum animo infudisse credebantur. Morum gravitate, eruditionis omnigenæ in brevi intervallo consummatione, jam tunc, *Longæva Platonis tempora, Socraticam tuâ, canosq; Sophorum*  
Damasch. Schol. Piarū *sensus, vicisti primo sub flore juventæ, Romanam, ac Parisiensem accessisti Palladem, & è Capite Orbis, ac Europæ Theatro, in Mentis Tuæ Regiam, totam illius transtulisti Majestatem. Nihil in Theologica facultate erat Divinum, quod in Te nō adorandum*

dū; nulla in Juris Civilis ac Canonici vastitate viget Laurea, quæ in Eminentissimo Tuo non effloruerit Vertice, cui Tu potius coronā ab ingenij auro optimo non addideris. Jam, *plus à Te, calamoq; Tuo, quàm scripserat olim, Justinianus habet; Corpus Juris feliciorum Animam, Codex Volumen amplum, Gratianus majorem Grati- am, Sacri Canones vivam obtinuerunt in Te Regulam, toti Ecclesiasticæ Hierarchiæ regendæ parem. Vix meliora ferox Trabeatæ Romulus Urbi, Dardaniusq; Senex posset vorisæ trophæa.* Divinas adeò in Te dotes, Animiq; à natura & Eruditione optimè formati admirandas qualitates, quo jam virtutum non auxisti Pantheo, ubi Te Sacri Honoris intulisti Templo? Profanæ alibi apparent Musæ, plus fastus in vertice, quàm reverentiæ portentunt. Tibi *EMINENTISSIME PRINCEPS*, animi summum & cœu Numinis habitatoris Augustale, miris do-

Idem.



tum nativarum & Eruditionis prove-  
ctum decoribus, cultum majestate,  
virtutis omnigenæ abiit in Palæstram,  
in Exercitium sanctitatis. Supra ca-  
lami & ingenij nostri est capacitatem,  
exprimere pro Panegyri, quæ Te cir-  
cumstat, Orbis commendat honori,  
Cælorum infert sideribus,

## Virtutum Summarum Amplitudo.

**U**T augustam INAUGURATIO-  
NIS Tuæ, CARDINALIS MA-  
GNE, adornaremus Pompam, non  
opus esset, eas repræsentare, quæ Te  
undiq; coronant, Orbis MONAR-  
CHARUM Gratias, Laudes, Affe-  
ctus; non Europæ vota, æstimatio-  
nem, Honores; nec deniq; ipsius Emi-  
nentissimæ Tuæ DOMUS Illustres  
accendere Ceras, arcus ex domesti-  
corum Heroum exstruere Laureis,  
Atavorum addensare Imaginibus.  
Ipsa animi Tui Regia, augusto dotum

natu-

naturalium sublimis honore, veriusq;  
Pantheon, Numinibusq; virtutum cō-  
secratum; omnem ejusmodi Gloriæ,  
nostræq; Panegyris, eminenter sup-  
pleret Apparatum. Non Pompejos  
Æmilianosq; suos, æquali Roma extu-  
lit Triumpho, ut Te Tuarum Majestas  
evehit Virtutum. More Solis, hunc  
Zodiacum in propria perquàm cla-  
rus ascendis claritate; non participata  
aliunde luce, sed Tibi innato Orbem  
Nostrum exserenas candore. Ambi-  
unt Te Regum ac Principum Orbis  
Majestates, ambiunt Maximi DO-  
MUS LIPSCIANÆ Majores, non  
tam tamen hominum manibûs, quàm  
amoribus Superùm, Templo CAR-  
DINALITIÆ importaris DIGNITA-  
TIS. Narrare singula probitatis Tuæ  
specimina, quæ Lechicus in Te adorat  
Orbis, miratur univesus; Oratoriæ  
Herculeo major est labor facultatis.  
Nulla Tibi in Tanta *EMINENTIA* de-  
sideratur perfectio, nulla admirando

X

non



non eminet fastigio. Quæcunq; Potentes, virtutum momenta decent, & Nomina recti, quæcunq; Optimos sanctitas, Civilitas, Bonitas commendat *PONTIFICES*; tota charitum ejulmodi & gratiarum plenitudo, in *JOANNE*; velut in Crytallo radij, in sole jubar, in Te adoratur. Ad Aras procedis? non *PRINCEPS*, non *PRÆSUL*, sed Numen, sed ipsa Latria, & Sanctitas Cultûs Divini Templum ingredi putatur. Pro Tribunali præfides? non Iudex, non Areopagita, sed Iustitia ipsa, & Themis Divina, Aram occupare, aut intaminati regione effulgere Cæli, causarum discutere nubila, innocentibus acclinare serenum, reis fulmina intendere, à cunctis creditur. Ut cætera silentio veneremur, illam quis non stupeat in tantarum majestate & divinitate dotum virtutumq; fere ad excessum *PRINCIPIS EMINENTIÆ*, qua Te omnium acclinas votis, descendis  
infra

infra singulos, humanitatem Tuam? quis non admiretur, cum tot9 sis Regum, Principum, ac Monarcharû Orbis, totus Ecclesiæ, Senatûs, Reipublicæ Polonæ, quomodo dividere Te possis, & Civibus etiam, Nobilium Atrijs, Religiosorum Ordinum claustris dispertire, communicare? Non Tibi jam, sed toti genitum Te, *PRINCEPS*, credimus Orbi, & unam prorsus universi *GRATIAM*, qua & Coronaris ab Orbe, & tam Orbis quam singulorum nostrûm vota coronas. Extatico virtutum Tuarum abrepta stupore oratio, jam tantis imparem scribendis prodigijs dimiserat calamum, suiq; ausus deprecatura veniam, pro ultima periodo ac puncto ad Principes ruebat plantas. Sed incidit in majus Laudum profundum, amplior illam Gloriæ Tuæ ultra suos margines protendit Immensitas, Orbem & sæculorum Fastos implens,



## Meritorum

Per Summa DIGNITATUM Culmina  
Magnitudo.

**T**antum Te, *CARDINALIS MAGNE*, Augusta Lucina, Tantum Natura & Virtus effecerat, ut prodicens in publicum, Giganteo quodam Gloriæ passu primas statim & amplissimas Honorum pervaderes Appias, integra attereres Olympia, Meritorum ubiq; in Patriam & Ecclesiam grandia relinques vestigia. Ubicunq; Sacer stetisti Stadiodromus, assurrexit Ecclesiæ Dignitas, Religionis Decus, Nominis Honor Sarmatici. Sola tantum ad Tui præsentiam dejecta cadebat invidia, quod Te in omni Gradu Majorem semper viderit IOANNEM. Primus Meritorum Tutorum in Ecclesia fuit Gradus, qui alijs Supremus! totius Regni Frons, & Caput Ecclesiarum *GNESNA* Gemmâ Te *PRÆLATORUM*, de Pyrrhi Anulo

nulo unam, ad suum pretium, ad cæterarum invidiam Diœcesiū, obtinuit. Inde ad solem publicum evolare magna Aquila debuisti IOANNES, ubi totius Nidus *POLONIÆ*, unde prima Regni provolavit *AQUILA*, Gentis Polonæ Insigne ac Decus immortale. Et verò, etiam Tu in idem destinabaris à Superis, tam Regni Aquila, quàm Aquilæ Sol brevi evalurus. Interim Stallum illud plaudat hucusq; & vel nunc perennis gloriæ aureos Orbi præsentat characteres, quod Tuo, *CARDINALIS MAGNE*, consecrasti protunc Honore,

C A N O N I C U S

&

CANCELLARIUS  
Archi-Diœcesis

Gnesnensis.

**P**aludata Tullij, Florida Hortensij, Divina Platonis prodeat necesse in paginam Eloquentia, ut Tu-

Y

am



104<sup>4</sup> am celebret, qua Os Primatum Re-  
gni, Vice-Regū oraculū, Orbē jā vel  
tunc attonuisti Sarmaticū, toti *Voca-*  
*lis* Regno I O A N N E S, cum non-  
dum in facie ejus stetisses. Quantus  
*REIPUBLICÆ* olim, futurus eras Ne-  
stor, quantus REGNI Mercurius; Mā-  
joribus Gemmis, in magno illo Vi-  
rorum *PRÆSULUMq;* Seminario præ-  
lufisti. Exercebat se in Te, & ingen-  
ti consummabatur tanta in Palæstra,  
magisterio Æquitas, fertis donabatur  
prudentia, Laureas merebat Religio,  
Triumphos Ecclesia; quos ei & tunc  
jam bene parabas, & ampliores post  
in majori Curia, palmariè eras decu-  
maturus. Triumphabat Te Iudice,  
& identidem, etiam Iudicum *PRÆSI-*  
*DE* Archidiæcesanus Honor, suspici-  
ebat Regnum Catonem & Aristidam  
Magnum, admirabatur Respublica  
novum æquitatis Sanctium, Iudiciorū  
Atlantem; & ad majorem Te illicò  
cœpit exoptare Arcopagum, ad alti-  
ores

1045  
ores tantum Solem Aquilas invitare.  
Ergo Gnefnensibus Gemmīs ad Re-  
gni Annulum, majoris ponderis Gem-  
ma processisti: Primò,

PRO CANCELLARIVS  
REGNI,  
ac Supremus  
CANCELLARIVS.

PUBLICAM meritos æstimationem,  
sudores Tuos, quos pro Honore  
Primæ in Polonia Ecclesiæ, pro totius  
æquitate manutenenda eliquasti Re-  
gni, non potuit non pretiare Patria,  
nō potuit nō *GEMMA* Regni *SIGNA-*  
*TORIA* eos collegisse. Jam quis pre-  
tium illorum sub tanti sphaera *ANNU-*  
*LI*, competenti periodo exprimat  
Orator? Non à Latere jam & Corde  
Regis, Grandis Poloniæ Anima, vitam  
spirasti publicam & salutem; sed Tan-  
to etiam fatis prostrato Alcida, incol-  
lisus intractusq; Atlas, Regni totius  
Ho-



honorem portasti & æquitatem. Tuo  
*CARDINALIS EMINENTISSIME*, Pe-  
 ctore & Ore, spirabat Polona The-  
 mis, loquebatur Lex, sententiabatur  
 Majestas & Libertas, Religio, ac Regni  
 Honor sese tuebatur. Non potuimus  
 queri in publica nuper Orphanitate,  
 Regnum fuisse sine tuo *AVGVSTO*!  
 Tu Civem Patremq; gerebas! mortu-  
 us licet in se, vivebat in Te, immor-  
 talis *PRINCEPS*! animabatur inte-  
 grè *REX* & Lex! & cujus viventis  
 fuisti Cor, etiam mortui anima & spi-  
 ritus publicus, servandæ inter fata vi-  
 tæ communis, extitisti. Amara licet  
 supervenerint tempora, melleum ta-  
 men sæculum *CANCELLARIÆ* Tuæ  
 elaborabant Cera, quas mellea Tua  
 suadâ, & nectareis moribus, dulce  
 mærentis Os Patriæ, & mellitus Ne-  
 stor condiebas. Perorabas pro Regni  
 Honore & Integritate, loquebaris Su-  
 premo Statûs Oraculo, sensuq; in com-  
 mune bonum optimo, pro Republica;  
 pero-

perorabant pro Te ore repando *IN-  
 FVLÆ*, ut illis tantum acclinares  
 Caput, quo potius in Te coronaren-  
 tur. Quantum igitur earum evasisti  
 pretium! ferè uno ad prodigium tem-  
 pore pluriû sæculorum Labor, Votum  
 & Gloria omnium, fortunatissimo  
 successu,

**LVCEORIENSIS,  
 BRESTENSIS,  
 CRACOVENSIS  
 EPISCOPUS,  
 DVX SEVERIÆ.**

**Q**uanta Titulorum Majestas!  
 quot Coronarum honor! tot  
 Principes Mitræ inter trina *Vavelli  
 Cracoviensis Diademata*, congregatæ:  
 ut vel simul junctæ Tuum condignè  
 coronarent Verticem, *CARDINALIS  
 EMINENTISSIME*. Impar tamen Di-  
 gn-



gnitati Tuæ, earum conatus, nunquã  
 Honori Tuo sufficiunt, nisi tres ejus-  
 modi INFVLÆ, cum tribus Craco-  
 viæ CORONIS, in unum cõalescerent  
 TRIREGNUM, quod & Tibi preca-  
 mur. Superasti omne Honoris Sarmat-  
 tici Fastigium, PRINCEPS MAXIME,  
 et potius Tuo sublimasti Nomine:  
 ANTISTES, quãlem Craciæ longæva  
 vetustas Inuideat, similemquẽ sequens da-  
 re nesciat ætas. Iam se plusquam co-  
 ronatham sentit, Vrbs Regum corona-  
 trix, dum suum Te jactat PRÆSU-  
 LEM qui totius PRINCEPS Ecclesiæ,  
 Romani Senatûs AVGVSTVS, RE-  
 GIBUS PAR, esse meruisti. Et jam ta-  
 lis ante CARDINALITIÆ Tuæ Inau-  
 gurationem PURPURÆ, vel ex pri-  
 mo Præfuleæ & Ducalis istius acces-  
 su CATHEDRÆ colligi & adorari de-  
 buisti. Socius REGIS eras Fortuna-  
 tissimi: Ille CORONAM, Tu MITRAM  
 PRINCIPEM, ab hac simul sumebas  
 Patria. Quidni igitur, REGIBUS PAR,  
 vel

vel inde statim agnoscereris. Sēper  
 indoles magnæ æstimantur ex con-  
 fortio. Leo non se immiscet gregi,  
 graditur cum Leonibus. Aquila im-  
 bellem declinat alitum turbam, in  
 cælo quoq; Delphino finitima, pernix  
 velocissimo. Ganges Mare intrat, Pa-  
 ctolo comitatus. Sic Tecum, CAR-  
 DINALIS MAXIME, natus huic Re-  
 gno REX, Tui Honoris nuntius:  
 Tu, INFULA Regum Coronatrice, Ille  
 Regni redimitus CORONA, Parem  
 Te REGIBUS, si aliunde talis non  
 esses, demonstravit. Verum & id  
 REGUM attingit Sublimitatem,  
 quod Tibi specialis Superum servavit  
 ordinatio, contulit favor; dum ad  
 famæ perennis pretium, ad DO-  
 MVS Æstimatissimæ honorem, & No-  
 minis immortalem Coronam, fa-  
 ctus es

CORO.



CORONATOR  
SERENISSIMI  
AUGUSTI III.  
PACIFICATOR  
REIPUBLICÆ.

**N**E quid LIPSCIANO NOMINI  
deesset Regium, aut augustum, in-  
clinavit LIPSCIO sui Fortuna Meriti,  
*REGEM*, submitit *AVGVSTVM*.  
CORONAM quoq; obtulit Patria,  
quam quia Fronti Tuæ Pontificiæ, CAR-  
DINALIS MAGNE, non fuit aula  
imponere, concessit manibus. Sic præ-  
clarè gesta Tua coronavit. Submitit Ti-  
bi caput AUGUSTUS, qui Cor su-  
um pridem in Te inclinaverat. Habuisti  
infra Te Majestatem, qui Regibus Par,  
& ferè Altior parabaris. Admovisti manus  
Pontificias AUGUSTO, & fecisti Au-  
gustio rem. DUX *Saxonie* & PRIN-  
CEPS Regius ante Te flexit, surrexit,  
1 REX

*REX POLONIÆ*. Quantæ Vir-  
tutis Authoritas, Authoritatis Magnitu-  
do! Unxisti *CHRISTVM DO-*  
*MINI* alter JOANNES! Coronasti  
*REGEM & REGNUM*, & in utroq;  
Tua merita. Regalibus Vittis, Magni MO-  
NARCHÆ ligasti tempora, Tibi æterni-  
tatem famæ illigasti. Ut pretiosiore  
verò, Tanti in Fronte *PRINCIPIS*  
fecisses *CORONAM*, præstantissimum  
ei inter gemmas addidisti decus, *UNIO-*  
*NEM* Animorum, & *REIPUBLICÆ*  
cum REGE. Diviserat Regale Pomum,  
imò Orbē Lechicum discordia; Corona-  
trix Tua univit Dextera & dexteritas. Im-  
plicuerant Gordio magis nodo fata,  
an ambitio *REMPUBLICAM*; sed  
felicior obtigisti in nodum hunc ALE-  
XANDER. Quo *CAPUT* unxisti oleo, e-  
odem, melior Athleta, Vires toti robor-  
asti, *CORPORIS*, malè scissæ vulnera per-  
sanans, partes coire allaborasti *REIPV-*  
*BLICÆ*. Tantum abest, ut non modò  
*REX* suo *CORONATORI*, sed  
Z integra



integra quoq; Coronam Tibi debeat.  
**POLONIA**, Magno & Fortunato **PA-  
 CIFICATORI**. Et hæc sunt Tuorum  
**PRINCEPS**, prodigia Meritorum, hæc  
 summa Virtutum Capita, quæ totus Or-  
 thodoxus coronat Orbis, dum æterna  
 Superum destinatione, fortunatissimo sæ-  
 culi nostri successu, celebraris,

Sacræ Romanæ Ecclesiæ  
**AVSPICATISSIMVS**  
**CARDINALIS,**  
**REGNI POLONIÆ**  
 Honorum Honor,  
**FORTVNARVM FORTVNA**

**R**edit tandē ad suū iterū principiū no-  
 stra Panegyris, & Immenfitati Tua-  
 rū non sufficiens Laudum, pro ultima di-  
 ctionis gratulatoriæ periodo, Coronam  
 ponit, qua Nomen & Fortunam **PO-  
 LONIÆ**, in Te Superi coronarūt. **EMI-  
 NENTISSIME FORTVNATIS-  
 SIME CARDINALIS**. Est, ob quod  
 Vniver;

Vniverſa Te adoret Polonia, ob quod  
 solennes ad Templum **HONORIS** Tui  
 votorum ferat victimas, Tuæ & suæ in  
 Te sacrificet Fortunæ; ob quod nos,  
 non jam Virtuti Tuæ, cui tanta de con-  
 gruo & condigno debebatur Apothē-  
 ōsis, quàm toti in Te applaudamus **PO-  
 LONIÆ**! Nomen illius à fatorum invidia  
 & malignitate, à cachinis & subsānatione  
 Gentium, mirum in modum, tanto Su-  
 perūm vindicatum favore, erectum  
 beneficio, sublimatum Honore, sacra-  
 tum veneremur **DIGNITATE**. Eru-  
 besce, aut pallore tabesce Livor, ad al-  
 teram & verē secundam **REGNI** nostri  
**PVRPVRAM**! habemus **REGEM**, cu-  
 jus Potentissimo & Invicto munimur  
 Pectore, Victoriosus ad prosterndenda fa-  
 ta, ad metendas triumphorum Laureas  
 Oleasq; armamur *Gladiis*; habemus &  
**REGIBVS PAREM**, alterum Orbis no-  
 stri **ALEXANDRVM**, hujus Tro-  
 jæ Hectorem, Cæli Atlantem! & si Tri-  
 umphale **JOANNIS** Tertij arridet No-  
 men, habemus **JOANNEM** Alterum,  
 Z<sub>2</sub> Ecclesiæ



Ecclesiæ & Fortunæ nostræ **CARDI-**  
**LEM**, Herculeæsq; parē **COLVMNAM**,  
 ad quam fatis ponamus *Non plus ultra*,  
 Tibi verò **PRINCEPS EMINEN-**  
**TISSIME, PURPURATÆ plus ul-**  
*tra* Majestatis. A Te, velut à Cardine,  
 tam Ecclesiæ Authoritas, Religionis Tu-  
 tela, quàm Rerum nostrarum fortuna  
 pendet & successus: tamdiu Incolumis  
 vive, quamdiu Regnum erit quod serves,  
 Ecclesia quam ornes, & regas **PON-**  
**TIFEX, Scholæ Piæ, quas Orbis GRA-**  
**TIA JOANNES, Gratiofo PURPV-**  
**RÆ protegas obtentu, erigas EMI-**  
**NENTIA. VOTVM EUROPEÆ**  
 es, Regni **CORONA**; Vota nostra &  
 Reipublicæ coronabis, dum Superum  
 favente clementia, *candida Pace, can-*  
*didis diebus, gemmeisq; horis* in Anno-  
 rum Myriades, in Honoris Supremo  
 Gradu, **PURPURATUS ECCLE-**  
**SIÆ HIERARCHA**, quod læto  
 canimus plausu, devotis millies gemina-  
 mus mentibus, adimplebis Votum:

PA.


**PATREM** misisti Superi, rerumq; Coronam!  
*Incolumem servate diu, nè fata triumphant.*

Fortunæ melioris **ATLAS**, Execella **COLVMNA**  
*Herculeos superet nisus, Adamanteq; duro*  
*Firmetur. Quo surgit Honor, quo Gloria Gentis*  
*Sarmaticæ, Fasces quo cuncti Authore triumphant,*  
**CARDINÆ PRINCEPS Trabæ insignitus**  
*Sæcula digna suo vivat videatq; Senatu. (Honore,*

*Hoc se ROMA gravis, Lechiciq; Corona Trionis*  
*Nobilitat: Latio vivat Lechiæq; perennis.*  
**FLOS PROCERVUM**, glaciale gelu non sentiat unquā.  
*Aurea quo Lechiæ donantur Lustra CORONÆ.*  
*Sæcula perpetuet simul, Aureus Aurea PRINCEPS.*

*Imò si quid adhuc servavit GRATIA Divum,*  
*Thesauro repleat Tantum majore IOANNEM.*  
**Vincat ALEXANDER**, quo quo sibi Gloria plaudat,  
*Per dominum procedat Ebur, Primasq; Curules*  
*Ad Capitolini Fastigia summa Triumphi.*  
*Non Magnosq; Pares, non Pompejosq; Priores*  
*Obtineat, toti sed Maximus imperet Orbi. (nuptos,*

**LIPSCIA**, quæ Regno plenos dant **RASTRAMA-**  
 Montibus è Patriis assurgant Colle Quirino.





1056



W.  
I. x. x. b.



